

भारत सरकार
गृह मंत्रालय

आपदा प्रबंधन
बारै
राश्ट्री नीति
2009

राश्ट्री आपदा प्रबंधन प्राधिकरण

आपदा प्रबंधन
बारै
राश्ट्री नीति
2009

भारत सरकार
गृह मंत्रालय

आपदा प्रबंधन
बारै
राश्ट्री नीति
2009

केंद्री मंत्रीमंडल आसेआ 22 अक्टूबर 2009 गी मंजूर कीती गेदी

राश्ट्री आपदा प्रबंधन प्राधिकरण

विशे सूची

1. प्रस्तावना
 - 1.1.1 संदर्भ
 - 1.2.1-1.2.2. भारत च आपदा जोखम
 - 1.3.1. आपदा प्रबंधन च मूल रूपी बदलाऽ
2. नज़रिया ते मकसद
 - 2.1.1 द्विश्टीकोण
 - 2.2.1. - 2.1.2. आपदा प्रबंधन (डीएम)
 - 2.3.1. नज़रिया
 - 2.4.1. मकसद
3. संस्थागत ते कनूनी बवस्थां
 - 3.1.1. आपदा प्रबंधन कनून-2005
कनून तैहत संस्थागत ढांचा
 - 3.2.1 - 3.2.3 राश्ट्री आपदा प्रबंधन प्राधिकरण (एनडीएमए)
 - 3.2.4 - 3.2.5 राश्ट्री कार्यकार्य कमेटी (एनईसी)
 - 3.2.6 - 3.2.7 राज्य आपदा प्रबंधन प्राधिकरण (एसडीएमए)
 - 3.2.8 जिला आपदा प्रबंधन प्राधिकरण (डीडीएमए)
 - 3.2.9 मकामी प्रशासन
 - 3.2.10 आपदा प्रबंधन सरबंधी राश्ट्री संस्थान (एनआईडीएम)
 - 3.2.11 राश्ट्री आपदा प्रतिक्रिया बल (एनडीआरएफ)
 - 3.2.12. आपदा निवारण भंडार
मजददा संस्थागत बवस्थां

- 3.3.1 कुदरती करोपिये दे प्रबंधन बारै मंत्रीमंडली कमेटी (सीसीएमएनसी) ते सुरक्षा बारै मंत्रीमंडली कमेटी (सीसीएस)
- 3.3.2 उच्च स्तरी कमेटी (एचएलसी)
- 3.3.3 केंद्री सरकार
- 3.3.4 केंद्री मंत्रालये ते मैहकमें दी भूमिका
- 3.3.5 राश्ट्री संकट प्रबंधन कमेटी (एनसीएमसी)
- 3.3.6- 3.3.7 राज्य सरकारां
- 3.3.8 जिला प्रशासन
- 3.3.9 इक कोला मते राज्ये पर असर पाने आहली आपदाएं दा प्रबंधन होर दूइयां म्हत्तवै आहलियां संस्थागत बवस्थां
- 3.4.1 हथियारबंद बल
- 3.4.2 केंद्री नीम फौजी बल
- 3.4.3 राज्य पुलस बल ते अग्ग स्हालने आहलियां सेवां
- 3.4.4 नागरिक सुरक्षा ते होम गार्डस
- 3.4.5 राज्य आपदा प्रतिक्रिया बल (एसडीआरएफ)
- 3.4.6 राश्ट्री कैंडेट कोर (एनसीसी), राश्ट्री सेवा योजना(एनएसएस) ते नेहरु युवा केंद्र संगठन (एनवाईकेएस)
- 3.5.1 अंतर्राश्ट्री साथ-सैहजोग
- 4. माली बवस्थां
- 4.1.1 नजरिया
- 4.2.1 आपदा प्रबंधन गी विकास योजनाएं दा हिस्सा बनाना
- 4.3.1-4.3.2 राश्ट्री आपदा प्रतिक्रिया ते निवारण कोश
- 4.4.1 केंद्री मंत्रालये ते मैहकमें दियां जिम्मेवारियां
- 4.4.2 राज्य ते जिला स्तरी बवस्थां
- 4.4.3 संकट निवारण परियोजनां
- 4.5.1 तकनीकी माली सरिस्ता
- 5. आपदा दी रोकथाम, निवारण ते त्त्यारी
- 5.1.1 आपदा दी रोकथाम ते निवारण
- 5.1.2-5.1.3. जोखम आकलन ते ज़द च औने दे अंदेशे बारै नक्शाबंदी
- 5.1.4 शैहरी इलाकें च आपदाएं दी बधै करदी प्रवृत्ति
- 5.1.5 म्हत्तवै आहला मूल ढांचा
- 5.1.6 पर्यावरण स्हाबै टिकाऊ विकास

- 5.1.7 जलवायु परिवर्तन मूजब व्यवहार
त्यारी
- 5.2.1-5.2.3 केंद्री मंत्रालयें, मैहकमें ते राज्यें दी भूमिका
- 5.2.4 पेशनगोई ते पैहले सोआ चेतावनी सरबंधी प्रणालियां
- 5.2.5-5.2.6 संचार ते सूचना टेकनोलाजी सहायता
- 5.2.7 आपात हालात च कारवाइयें सरबंधी केंद्रें गी तगड़ा करना
- 5.2.8-5.2.9 चिकित्सा त्यारी ते भारी जानी नुकसान दी रोकथाम बारै प्रबंधन
- 5.2.10 सिखलाई, बनावटी ते दखावटी अभ्यास,
निवारण ते त्यारी गितै सांझेदारियां
- 5.3.1-5.3.2 आपदा दी सूरत च समुदाय अधारत त्यारी
- 5.3.3 मुतल्लका धड़ें दी शमूलियत
- 5.3.4 कंपनियें कारपोरेशनें दी समाजी जिम्मेदारी (सीएसआर) ते सार्वजनिक-निजी सांझ-
भ्याली (पीपीपी)
- 5.3.5 मीडिया कन्नै सांझेदारी
तकनीकी-कन्नूनी सरिस्ता
- 6.1.1 तकनीकी-कन्नूनी सरिस्ता
- 6.2.1 नगर पालिका नियमं गी नमें सिरेआ तय करना
- 6.3.1 जिर्मी बरतून सरबधी योजनाबंदी
- 6.4.1-6.4.2 सुरक्षत निर्माण पिरतां
- 6.5.1 नियम-पालन सरिस्ता
- 6.6.1 नियम लागू करोआना
7. प्रतिक्रिया
- 7.1.1 नजरिया
- 7.2.1 एनईसी दी भूमिका
- 7.3.1 नोडल ते होर दूए केंद्री मंत्रालयें ते मैहकमें दी भूमिका
- 7.4.1 राज्य, जिला ते मकामी प्रशासन दी भूमिका
- 7.5.1 कम्म-कारवाइयें बारै मानक नियम-कायदे (एसओपीस)
- 7.6.1 आपदाएं दे स्तर
- 7.7.1 घटनाएं बारै कमान प्रणाली
- 7.8.1 मुंढले ते होर दूए मुख प्रतिक्रियाकर्ता
- 7.9.1 डाक्टरी इलाज-मुआलजा
- 7.10.1 पशु सम्हाल

- 7.11.1 सूचना ते मीडिया सरबधी सांझेदारी
- 8. राहत ते नमें सिरेआं आबादकारी
 - 8.1.1 नजरिया
 - 8.2.1-8.2.2 आरजी राहत कैंप कायम करना
 - 8.3.1 राहत सप्लाई दा प्रबंधन
 - 8.4.1 राहत-मानकें दी नजरसानी
 - 8.5.1 रोजी-रुट्टी दे आरजी विकल्प ते समाजी-आर्थिक ब्हाल्ली
 - 8.6.1 आरजी आसरमें दी बवस्था
- 9. नमें सिरेआ निर्माण ते ब्हाल्ली
 - 9.1.1 नजरिया
 - 9.2.1 मालक मूजब पुनर्निर्माण
 - 9.3.1- 9.3.1 तेज्जी कन्नै पुनर्निर्माण
 - 9.4.1 नमें सिरेआ ब्हाल्ली गी सुरक्षत विकास कन्नै जोड़ना
 - 9.5.1 रोजी-रुट्टी दी ब्हाल्ली
- 10. समर्थ विकास
 - 10.1.1-10.2.1 नजरिया
 - 10.2.1-10.2.2 राश्ट्री प्राथमिकतां
 - 10.3.1 संस्थागत समर्थ विकास
 - 10.4.1 समुदायें दी सिखलाई
 - 10.5.1 पेशेवराना तकनीकी शिक्षा
 - 10.6.1 स्कूलें च आपदा प्रबंधन बारै शिक्षा
 - 10.7.1 कारीगरें दी सिखलाई
 - 10.8.1 होरनें दूए समूहें दी सिखलाई
 - 10.9.1 लसैंस मुहेइया करोआना ते प्रमाणीकरण
- 11. ज्ञान प्रबंधन
 - 11.1.1 नजरिया
 - 11.2.1 साईस ते टेकनीकल विज्ञान दी मेलमी बरतून
 - 11.3.1 ज्ञान संस्थान
 - सूचना ते संचार तकनीकें राहें ज्ञान दा प्रसार (आईसीटी)**
 - 11.4.1 स्वदेशी तकनीकी ज्ञान (आईटीके)
 - 11.5.1 भारत दा आपदा संसाधन सरिस्ता (आईडीआरएन)
 - 11.6.1 भारत दा आपदा ज्ञान सरिस्ता (आईडीकेएन)

11.7.1	अब्बल पिरतें ते शोध-कम्में दा दस्तावेजीकरण
12.	शोध ते विकास
12.1.1	नज़रिया
12.2.1	संस्थागत बवस्थां
12.3.1-12.3.2	जरुरतें दी निशानदेही ते शोध गी बढ़ावा
13,	अगड़ी बत्त
	संखेप रूप (एब्रीविएशनांं)
	चित्र
चित्र 1	आपदा प्रबंधन क्रम
नक्शे	
नक्शा 1	भारत च भूंचाल आहले क्षेत्र
नक्शा 2	भारत च हाड़ आहले क्षेत्र
नक्शा 3	भारत च तेज-हवा ते समुंद्री तूफान आहले क्षेत्र
नक्शा 1	ल्हास-पस्सिये थमां प्रभावत राज्य

संदर्भ

1.1.1 आपदाएं प्रगति च बिघन पांदियां न ते मशक्कत आहले जतनें राहें हासल कीते गेदे विकास दे फायदें गी बर्बाद करी दिंदियां न ते प्रगति दी तांहग रखने आहले मुख्खें गी अक्सर द्हाकें पिच्छे धक्की दिंदियां न। इस करी आपदाएं दे घटत होने मगरा छड़ा प्रतिक्रिया-कारवाइयें दे बजाए आपदा प्रबंधन पर, हाल दे समें च भारत दे अंदर ते विदेशें च मता ध्यान दिता जा करदा ऐ। एह दिन-ब-दिन बधै करदी आपदाएं ते उं'दी गंभीरता गी समझी लैने दा नतीजा ऐ की जे एह मन्नेआ जंदा ऐ जे फिकरमंद ते सभ्य समाज दे खरे शासन गी आपदाएं दे माड़े असर कन्ने कारगर ढंगे कन्ने निबड़ने दी लोड़ ऐ।

भारत च आपदा जोखम

1.2.1 भारत बक्ख-बक्ख स्तरें आहली नेकां चाल्लीं दियें कुदरती ते मनुक्खें आसेआ पैदा कीती गेदी आपदाएं दी शंका आहला क्षेत्र ऐ। 58.6 प्रतिशत जमीनी हिस्सा दरम्याने दर्जे दे ते मती शिद्धत आहले भूचालें दी लपेट च औने आहला क्षेत्र ऐ; 4 करोड़ हेक्टेयर रक्बा (जिमीं दा 12 प्रतिशत हिस्सा) हाड़ें ते नदियें कारण जिमीं रुड़ने-खुरने दी ज़द च औने आहला इलाका ऐ; 7,516 किलोमीटर लम्मे समुद्री कंडे आहले इलाके चा तकरीबन 5700 किलोमीटर कंडा समुद्री तूफानें ते सूनामी दी ज़द च औने दे अंदेशे आहला क्षेत्र ऐ; काश्तकारी जोग इलाके दा 68 प्रतिशत इलाका सोक्के दी शंका आहला ऐ ते प्हाड़ी इलाके च पस्सियां ते ल्हास आई पौने दा खतरा बरोबर बने दा रौहदा ऐ। एहदे इलावा रसैनी, जैविक, रेडियाई किरणें ते परमाणु अधार आहलियें आपदाएं दे खतरे बी बने दे रौहदे न।

आपदाएं दे बधे दे खतरें गी बधै करदी अबादी, शैहरीकरण ते उद्योगीकरण, बड़े मते जोखम आहले इलाकें च विकास, पर्यावरण च बगाड़ ते जलवायु परिवर्तन कन्ने जोड़ेआ जाई सकदा ऐ। (नक्शे 1-4)

1.2.2 मनुक्खें दे आपदाएं दी ज़द च औने दे संदर्भ च, अबादी दे माली ते समाजी तौरा पर कमजोर वर्ग सभनें शा मते प्रभावत हौंदे न। इ'नें वर्गें च बी बजुर्ग, महिलां, बच्चे, टकोहदे करियें आपदाएं करी बेस्हारा होई दियां महिलां, जतीम होए दे बच्चे ते दिव्यांग व्यक्तियें गी मते जोखम दा सामना करना पौंदा ऐ।

आपदा प्रबंधन च मूल-रूपी बदलाs (डीएम)

1.3.1. 23 दिसम्बर 2005 गी भारत सरकार (GoI) ने इक म्हत्तवै आहली गें पुटदे होई आपदा प्रबंधन कन्नू-2005 बनाया (एहदे मगरा इसी कन्नू दे रूपे च दस्सेआ जाग) जेहदे च आपदाएं बारें समावेशी ते संगठत रौंस अपनाते आस्तै प्रधानमंत्री हुंदे नेतृत्व च राश्ट्री आपदा प्रबंधन प्राधिकरण, मुख्ख-मंत्रियें दे नेतृत्व च राज्य आपदा प्रबंधन प्राधिकरण ते जिला कलैक्टर जां जिला मैजीस्ट्रेट जां डिप्टी कमीशनर (जेहड़ा बी लागू हौंदा होऐ) दे नेतृत्व च जिला आपदा प्रबंधन प्राधिकरण कायम करने दा सरिस्ता कीता गेआ तां जे आपदा प्रबंधन बकखी समग्र ते संगठत नज़रिया चलाया ते अपनाया जाई सकै। एहदे कन्ने पैहले कीते जाने आहलियें मात्र राहत केंद्रत प्रतिक्रिया सरबंधी कारवाइयें च मूल रूपी बदलाs होग तां जे विकास दे फायदें दी सांभ-सम्हाल कीती जाई सकै ते लोकें दी जान्नें, रोजी-रुट्टी ते संपत्ति दे नुकसान गी घटाने लेई रोकथाम, निवारण ते त्यारी आहला सरगर्म नज़रिया अपनाया जाई सकै।

2.

नज़रिया ते मकसद

द्विष्टीकोण

2.1.1 समग्र, सक्रिय, मती चाल्लीं दियें आपदाएं कन्नै निबडने आहली ते टेक्नोलाजी अधारत रणनीति त्यार करियै रोकथाम, निवारण, त्यारी ते प्रतिक्रिया दी कम्म-संस्कृति राहें सुरक्षत ते आपदाएं दा पार पाई सकने आहले भारत दा निर्माण करना।

आपदा प्रबंधन (डीएम)

2.2.1. आपदा दा अर्थ कुदरती जां मनुक्खी कारणें करी होने आहली तबाही, हादसा, करोपी जां भारी संकट ऐ जेहड़ा प्रभावत समुदाय दी झल्लने दी थबीक थमां बाहर होऐ। आपदा प्रबंधन च निरंतर ते संगठत ढंगै कन्नै योजनाबंदी, आयोजन ते तालमेल ते ओहकडियां जरूरी कारवाइयां लागू करने दा कम्म औंदा ऐ जेहडियां हेठ दस्से गेदे उपाएं दे रूपै च न-

- कुसै आपदा दे खतरे जां जोखम दी रोकथाम
- कुसै आपदा जां एहदी शिद्धत जां असरें गी दूर करना जां जोखम घटाना
- शोध ते ज्ञान-प्रबंधन समेत समर्थ निर्माण
- कुसै बी आपदा कन्नै निबडने दी त्यारी
- कुसै बी खतरनाक आपदा स्थिति जां आपदा प्रति तुर्त परता
- आपदा दे असरें दी शिद्धत जां गंभीरता दा पता लाना
- सुरक्षत थाहरें पर पजाना, बचाऽ ते राहत
- नमें सिरेआ आबादकारी ते पुनर्निर्माण

2.2.2. आपदा प्रबंधन दे टकोहदे निरंतर सिलसिले गी 6एं हिस्सें च बंडेआ गेदा ऐ। आपदा थमां पैहले आहले चरण जेहदे च रोकथाम, निवारण ते त्यारी दे कम्म शामिल न जिसलै के आपदा मगरा आहले चरण च प्रतिक्रिया, नमें सिरेआ आबादकारी, पुनर्निर्माण ते परतियै बहाल्ली दे कम्म शामिल न। इक कन्नूनी ते

संस्थागत ढांचा इ'नें सभनें तत्वे गी कठेरी रखदा ऐ। (चित्र 1)

नज़रिया

2.3.1 आपदा प्रबंधन आस्तै इक समग्र ते संगठत नज़रिया त्यार कीता जाग जेहदे च बक्ख-बक्ख स्तरें पर रणनीतिक सांझ-भ्याली बनाने पर जोर दिता जाग। नीति दे मुख विशे इस चाल्लीं न-

- समुदायक अधार आहला आपदा प्रबंधन, जेहदे च नीति, योजनाएं ते इ'नेंगी सिरै चाढ़ने दा कम्म खीरै तोड़ी मेल बनाइयै कीता जाना शामिल ऐ।
- सभनें क्षेत्रें च समर्थ निर्माण
- पिछली पैहलकदमियें ते अब्बल पिरतें गी होर पुखता करना
- राश्ट्री ते अंतर्राश्ट्री स्तरें पर एजेंसियें कन्नै साथ-सैहजोग करना
- बक्ख-बक्ख क्षेत्रें बश्कार तालमेल बनाना

मकसद

2.4.1 आपदा प्रबंधन बारै राश्ट्री नीति दे मकसद एह नः

- जानकारी, नमियें काड्डें ते शिक्षा राहें सभनें स्तरें पर रोकथाम, त्यारी ते आपदाएं दा पार पाई सकने आहली कम्म-संस्कृति गी बढ़ावा देना।
- टेक्नोलाजी, पारंपरिक ज्ञान ते पर्यावरण दे टिकाउपन पर अधारत संकट निवारण कारवाइयें गी बढ़ावा देना
- आपदा प्रबंधन गी विकास योजनाबंदी प्रक्रिया दी मुखधारा च शामिल करना
- मददगार नियामक वातावरण ते पालमा सरिस्ता त्यार करने लेई संस्थागत ते तकनीकी-कन्नूनी ढांचे कायम करना

- आपदा जोखमें दी पंछान, आकलन ते निगरानी आस्तै असरदार प्रणाली गी यकीनी बनाना
- पेशनगोई ते पूर्व चेतावनी देने आहली समकालीन प्रणाली विकसत करना जेह्दे च सूचना टेक्नोलाजी पर अधारत जवाबदेह ते भरोसेजोग संचार बवस्था होऐ।
- समाज दे तौले प्रभावत होई सकने आहले वर्गे दिये जरूरतें दा ध्यान रखदे होई कारगर

प्रतिक्रिया ते राहत आहला नजरिया यकीनी बनाना।

- सुरक्षत जीवन यकीनी बनाने लेई पुनर्निर्माण गी आपदा दी मार झल्ली सकने आहले ढांचे ते रिहाइशे दे निर्माण लेई इक मौके दे रुपे च लैता जाना।
- आपदा प्रबंधन आस्तै मीडिया कन्ने फायदेमंद ते सरगर्म सांझेदारी गी बढ़ावा देना।

3.

संस्थागत ते कनूनी बवस्थां

आपदा प्रबंधन कनून, 2005

3.1.1. इस कनून च राष्ट्री, राज्य, जिला ते मकामी स्तर पर संस्थागत, कनूनी, माली ते तालमेल आहले सरिस्ते दा प्रावधान ऐ। एह संस्थां समानांतर नेई न सगुआं नेइमा मेल बनाइयै कम्म करडन। नमां संस्थागत ढांचा, मेद ऐ, छड़ा राहत मुहेइया करोआने पर केद्रत नजरियें च बड़ा मता बदलाऽ आहलियै इसी आपदा थमां पैहले गै कम्म करने आहली इक सक्रिय बवस्था बनाग जेह्दे च मता जोर त्यारी, रोकथाम ते निवारण पर दिक्ता जाग।

कनून तैहत संस्थागत ढांचा

राष्ट्री आपदा प्रबंधन प्राधिकरण (एनडीएमए)

3.2.1. आपदा प्रबंधन गितै एनडीएमए इक सर्वोच्च संस्था ऐ जेह्दे अध्यक्ष प्रधानमंत्री होंदे न ते एह्दी जिम्मेदारी आपदा प्रबंधन बारै नीतियां, योजनां ते दिशा-निर्देश बनाना ते आपदा दी सूरत च बेल्ले सिर ते कारगर प्रतिक्रिया कारवाइयें गी यकीनी बनाने लेई, इ'नें गी लागू कराना ते अमलावरी च तालमेल बनाना ऐ। एह दिशानिर्देश केंद्री मंत्रालयें, विभागें ते राज्यें दी अपनी-अपनी आपदा प्रबंधन योजना त्यार करने लेई सहायता करडन। एह राष्ट्री आपदा प्रबंधन योजनाएं ते केंद्री मंत्रालयें ते विभागें दियें आपदा प्रबंधन योजनाएं गी मंजूरी देग। एह आपदाएं दी रोकथाम जां निवारण जां त्यारी ते समर्थ निर्माण गितै जरूरी मित्थियै कीती जाने आहलियें इस चाल्लीं दियें होर कारवाइयें गी अमल च आहनग जेह्ड़ियां आपदा दे खतरे आहली स्थिति जां आपदा कन्नै निबडने लेई लाजमी होन। केंद्री मंत्रालय, विभाग ते राज्य सरकारां अपने जनादेश गी अंजाम देने लेई एनडीएमए गी लोडचदा सैहजोग ते सहायता देडन। एह आपदा निवारण ते त्यारी आहले उपाएं गितै रपे-पैसे दी बवस्था ते बरतून दी निगरानी

रक्खग। एनडीएमए कोल मतल्लका मैहकमें जां प्रशासनक इदारें गी इस गल्ला लेई अधिकृत करने दा अख्त्यार होग जे ओह कुसै खतरनाक आपदा स्थिति जां आपदा दी सूरत च राहत ते बचाऽ कम्ममें गितै आपात हालात च सम्येआन जां समग्री खरीदी सकन। राष्ट्री आपदा प्रबंधन बल दी आम निगरानी, निर्देशन ते नियंत्रण एनडीएमए दे हत्थें च होग ते उ'ऐ उसी बरती सकग। आपदा प्रबंधन सरबंधी राष्ट्री संस्थान (एनआईडीएम) एनडीएमए च तय ब्यापक नीतियें ते दिशा-निर्देशें दे ढांचे तैहत कम्म करदा ऐ।

3.2.2. एनडीएमए गी कुदरती जां मनुक्खी कारणें करी होने आहलियें हर चाल्लीं दियें आपदाएं कन्नै निबडने दे अधिकार दिक्ते गेदे न। जेल्लै के होर दूई चाल्लीं दी आपात स्थितियें जिं'दे च सुरक्षा बलें ते खुफिया एजेंसियें दी नेइमी शमूलियत दी लोड होऐ, ओह्दा कम्म-काज मजूदा सरिस्ते यानि राष्ट्री संकट प्रबंधन कमेटी (एनसीएमसी) आसेआ बरोबर कीता जंदा रौहग जि'यां आतंकवाद (विद्रोह कन्नै निबडना), कनून-बवस्था आहलियां स्थितियां, लड़ीवार बम धमाके, अपहरण, हवाई हादसे, सीबीआरएन हथियार प्रणालियां, खान्नें सरबंधी आपदां, बंदरागाह ते गोदी सरबंधी आपात स्थितियां, जंगलें दी अग्ग, तेल आहले इलाकें च अग्ग ते तेल दे डुल्लने जनेह् हालात होऐ।

3.2.3 एनडीएमए, उ'आं सीबीआरएन सरबंधी आपात हालात बारै सिखलाई ते त्यारी आहलियें गतिविधियें च मदाद ते दिशा-निर्देश त्यार करी सकदा ऐ। एनडीएमए मतल्लका धड़ें कन्नै सांझ बनाइयै कुदरती ते मनुक्खें आसेआ बनाई गेदी बिपताएं आस्तै ईलाज-मुआलजे सरबंधी त्यारियें, मनो-समाजी ते सदमें सरबंधी दिक्ख-भाल, समुदायक अधारत आपदा त्यारी, सूचना ते संचार टेकनोलाजी, सिखलाई, त्यारी ते जागरूकता फैलाने

जनेह प्रमुख विशें पर बी ध्यान देग। आपदा प्रबंधन प्राधिकरणें कश हर स्तर पर उपलब्ध बसीलें गी, जेहड़े आपात हालात च मददगार साबत होई सकदे न, आपदा दी सूरत च आपात स्थिति कन्नै निबड़ने लेई प्रमुख मंत्रालयें ते एजेंसियें गी उपलब्ध करोआया जाग।

राश्ट्री कार्यकारी समिति(एनईसी)

3.2.4 केंद्री गृह सचिव इस एनईसी दे अध्यक्ष होडन ते केंद्री कृषि, परमाणु ऊर्जा, रक्षा, पीने आहले पानी दी सप्लाई, पर्यावरण ते जंगलात. खजाना (खर्च सरबंधी), सेहत, बिजली, ग्रामीण-विकास, साईंस-टेकनोलाजी, अंतरिक्ष, दूर-संचार, शैहरी विकास, जल-संसाधन मंत्रालयें दे सचिव ते चीफस आफ स्टाफ कमेटी दे चीफ आफ इंटीगरेटिड डिफेंस स्टाफ एहदे सदस्य होडन। विदेश मंत्रालय, धरत- विज्ञान, मनुकखी संसाधन विकास, खान्नें, जहाजरानी, सड़क-यातायात ते जरनैली शिडकें दे मंत्रालयें दे सचिव ते एनडीएमए दे सचिव एनईसी दीयें बैठकें च बतौर खास परौहने हिस्सा लैडन।

3.2.5 एनईसी राश्ट्री आपदा प्रबंधन प्राधिकरण (एनडीएमए) दी कार्जकारी कमेटी ऐ ते इसी एनडीएमए दे कम्में च मदाद करने ते केंद्र सरकार दे निर्देशों दी पालमा यकीनी बनाने दा जिम्मा सौंपेआ गेदा ऐ। एनईसी आपदा दरान जां आपदा दे खतरे आहली स्थिति दरान कम्में-कारवाइयें च तालमेल कायम करदी ऐ। एह आपदा प्रबंधन दी राश्ट्री नीति पर आधारत राश्ट्री योजना तयार करग। एनईसी एनडीएमए पासेआ जारी दिशा-निर्देशों दी अमलावरी पर तक्क रक्खग। एहदे इलावा एह ओह सब्बै कम्म करग जेहड़े केंद्री सरकार पासेआ एनडीएमए कन्नै सलाह-सूत्तर कन्नै इसी दस्से जाडन।

राज्य आपदा प्रबंधन प्राधिकरण (एसडीएमए)

3.2.6 राज्य स्तर पर मुखमंत्री हुंदी अध्यक्षता च एसडीएमए राज्यें च आपदा प्रबंधन आस्तै नीतियां तयार करग। एहदे इलावा एह एनडीएमए दे दिशा-निर्देशों मूजब राज्य योजना गी मंजूरी देग, राज्य योजना दी

अमलावरी च तालमेल करग, निवारण ते तयारी आहले उपाएं आस्तै रपे-पैसे दे प्रावधान दी सफारश करग ते रोकथाम, तयारी, निवारण सरबंधी उपाएं गी संगठत करने दी कारवाई यकीनी बनाने आस्तै राज्य दे बक्ख-बक्ख मैहकमें दियें विकास योजनाएं दा जायजा लैग।

3.2.7 एसडीएमए दे कम्में च मदाद करने आस्तै राज्य सरकार आसेआ राज्य कार्यकारी कमेटी (एसइसी) दा गठन कीता जाग। राज्य सरकार दे मुख सचिव इस कमेटी दे अध्यक्ष होडन। एसइसी राश्ट्री नीति, राश्ट्री योजना ते राज्य योजना गी लागू करने दे कम्में च तालमेल ते उंदी निगरानी करग। एसइसी आपदा प्रबंधन दे बक्ख-बक्ख पैहलुएं बारें एनडीएमए गी जानकारी बी देग।

जिला आपदा प्रबंधन प्राधिकरण (डीडीएमए)

3.2.8 जिला आपदा प्रबंधन प्राधिकरण-डीडीएमए दे अध्यक्ष जिला कलैक्टर, डिप्टी कमीशनर जां जिला मैजीस्ट्रेट होडन जिसलै के मकामी प्राधिकरण दा चनोए दा नुमांडदा एहदा सह-अध्यक्ष होग। डीडीएमए आपदा प्रबंधन आस्तै जिला स्तह पर योजना, तालमेल, ते लागू कराने आहली संस्था होग ते आपदा प्रबंधन एनडीएमए ते एसडीएमए दे दिशा-निर्देशों मूजब सब्बै लोड़चदे उपाऽ करग। एहदे इलावा एह जिले लेई आपदा प्रबंधन दी योजना बनाग ते राश्ट्री नीति, राज्य नीति, राश्ट्री योजना, राज्य योजना ते जिला योजना दी अमलावरी दी निगरानी करग।

डीडीएमए इस गल्ल गी यकीनी बनाग जे राज्य सरकार दे सब्बै मैहकमे जिला स्तर पर ते मकामी निकाय रोकथाम, निवारण, तयारी ते प्रतिक्रिया बारें एनडीएमए ते एसडीएमए पासेआ जारी कीते गेदे दिशानिर्देशों दी पालमा करन।

मकामी प्रशासन

3.2.9 इस नीति दे मकसद लेई मकामी प्राधिकरणें च पंचैती राज इदारें, म्युनिसिपैल्टियें, जिला ते छावनी बोर्ड ते नगर योजना प्राधिकरण शामिल न जेहड़े नागरिक

सेवाएं दा नियंत्रण ते प्रबंधन करदे न। एह इदारे अपने अधिकारियें ते कर्मचारियें दी आपदाएं दे प्रबंधन आस्तै समर्थ निर्माण गी यकीनी बनाडन, प्रभावत इलाकें च राहत, आबादकारी ते पुनर्निर्माण दे कम्म करडन ते एनडीएमए, एसडीएमए ते डीडीएमए दे दिशा-निर्देशें मूजब आपदा-प्रबंधन दियां योजनां त्यार करडन। बड्डे शैहरें च आपदा प्रबंधन आहले मुद्दें कन्नै निबडने लेई संस्थाएं दा ढांचा कायम करडन।

आपदा प्रबंधन सरबंधी राष्ट्री संस्थान (एनआईडीएम)

3.2.10 एनआईडीएम दी किश होरनें अनुसंधान इदारे दी भ्याली कन्नै समर्थ दा विकास करना इक प्रमुख जिम्मेदारी ऐ। एहदे इलावा एह सिखलाई, अनुसंधान, दस्तावेज ते राश्ट्री स्तर दा सूचना अधार बी विकसत करग। एह ज्ञान अधारत ऐसे इदारे कन्नै नेटवर्क बनाग ते एनडीएमए आसेआ जारी कीते गेदे दिशा-निर्देशें मूजब कम्म करग। एह सिखलाई देने आहलें गी, आपदा प्रबंधन दे अमले, होरनें मुतल्लका लोकें गी सिखलाई देग। एनआईडीएम आपदा प्रबंधन दे क्षेत्र च उत्कृशठता दा केन्द्र बनने दा जतन करग।

राश्ट्री आपदा प्रतिक्रिया बल (एनडीआरएफ)

3.2.11 आपदा दे खतरे आहली स्थिति जां कुदरती/ मनुक्खें करी पैदा होने आहली आपदाएं जां आपात स्थितियें दा मकाबला करने लेई राश्ट्री आपदा प्रतिक्रिया बल (एनडीआरएफ) दे गठन दा प्रावधान ऐ। इस बल दी आम निगरानी, मार्गदर्शन ते नियंत्रण दा अख्त्यार एनडीएमए कश होग ते बल दी कमान दी निगरानी केंद्र सरकार पासेआ नियुक्त कीते गेदे नागरिक सुरक्षा ते राश्ट्री आपदा प्रतिक्रिया बल दे महानिदेशक दे हत्थै च होग। इसलै एनडीआरएफ दियां 8 बटालियनां न ते उचित समें पर एहदा होर बिस्तार कीता जाग। इ'नें बटालियनें गी जरूरत दे स्हाबै बक्ख-बक्ख ठकानें पर तैनात कीता जाग। एनडीआरएफ दियां युनटां नामजद राज्य सरकारें कन्नै नेडमा तालमेल बनाइयै रक्खडन ते कुसै आपदा दे खतरे आहले हालात

च उ'दे कश उपलब्ध रौहडन। कुदरती आपदाएं कन्नै निबडने दा जिम्मा जित्थे एनडीआरएफ दियें बटालियनें दा होग, उ'त्थे गै एहदियें च'ऊं बटालियनें गी सीबीआरएन आहले आपात हालात कन्नै निबडने लेई लैस कीता जाग ते उ'नेंगी ट्रेनिंग दित्ती जाग। मतल्लका नीम फौजी बलें आसेआ सरबंधत बलें दियें एनडीआरएफ बटालियनें दे कर्मियें गी सिखलाई देने आस्तै सिखलाई केंद्र स्थापत कीते जाडन ते राज्यें ते केन्द्र शासित प्रदेशें दे आपदा प्रबंधन बलें दियां जरूरतां बी पूरियां कीतियां जांगन। एनडीआरएफ दियां युनटां राज्य सरकारें पासेआ निशानदेही कीते गेदे सभनें धडें गी उ'दे ठकानें पर बुनयादी सिखलाई देडन। एहदे अलावा आपदा प्रबंधन च सिखलाई देने आहले ट्रेनर त्यार करने सरबंधी राश्ट्री ते अंतरराश्ट्री वचनबद्धतां पूरियां करने आस्तै इक राश्ट्री अकैडमी बी स्थापत कीती जाग।

आपदा निवारण भंडार

3.2.12 पिछले दहाके दरान बड्डी आपदाएं थमां हासल होए दे तजर्बे प्हाडी ते होरनें विशेष इलाकें च लोडचदी समग्री पैहले थमां गै जमा करने दी जरूरत साफ तौर पर दस्सी ऐ। एह भंडार राज्य स्तर पर संसाधनें च बढ़ौतरी करग। निवारण सरबंधी एह जखीरे एनडीआरएफ दे हवाले कीते जाडन तां जे आपदा जां आपदा जनेह हालात दरान राज्य सरकार दी मदद करने बारै उ'दी समर्थ च बाद्धा होई सकै।

मजूदा संस्थागत बवस्थां

कुदरती करोपियें दे प्रबंधन बारै मंत्रीमंडली कमेटी (सीसीएमएनसी) ते सुरक्षा बारै मंत्रीमंडली कमेटी (सीसीएस)

3.3.1 कुदरती करोपियें दे प्रबंधन बारै मंत्रीमंडल दी कमेटी दा गठन कुदरती करोपियें दे प्रबंधन कन्नै जुडे दे सभनें पैहलुएं दी निगरानी आस्तै कीता गेदा ऐ। एहदे कम्मै च स्थिति दा जायजा लैने ते उ'नें उपाएं ते कार्यक्रमें दा पता लाना बी शामिल ऐ जेहडे संकट दा

असर घट्ट करने, निगरानी ते इस चाल्ली दियेँ करोपियेँ दी रोकथाम आस्तै लम्मी अविध दे उपाएं दे सुझास देने लेई जरूरी होन। एहदे इलावा एह समाज गी मकाबला करने दे समर्थ बनाने आस्तै कार्यक्रम तयार करग ते उं'दी सफारश करग। सुरक्षा बारे मंत्रीमंडली कमेटी मुल्खेँ दी सुरक्षा कन्नेँ जुड़े दे मसलेँ, कनून बवस्था, अंदरूनी सुरक्षा ते उ'नेँ विदेशी मामलेँ पर कम्म करग जिं'दे कन्नेँ अंदरूनी जां बाहरी सुरक्षा प्रभावत होंदी होऐ जां राश्ट्री सुरक्षा गी प्रभावत करने आहले आर्थिक ते सियासी मसले होन।

उच्च स्तरी कमेटी (एचएलसी)

3.3.2. गंभीर किसम दियेँ करोपियेँ दे मामले च नुकसान ते लोडचदी राहत राशि दा जायजा लैने आस्तै अंतर-मंत्रालय केंद्री दलेँ गी भेजेआ जंदा ऐ। केंद्री गृह सचिव दी अगुआई आहला बक्ख-बक्ख मंत्रालयेँ दा समूह (आईएमजी), केंद्री दलेँ आसेआ कीते गेदे आकलन दी पड़ताल करदा ऐ ते कुदरती करोपियेँ सरबन्धी फौरी राहत राश्ट्री फंड- एनसीसीएफ थमां मदाद दी राशि उपलब्ध करोआने दी सफारश करदा ऐ। उ'आं सोक्के, ऐहन ते त्रिड्डी दल दे हमले करी होने आहले नुकसान दा जायजा राही-बाही ते सहकारिता मंत्रालय दे सचिव हुंदे नेतृत्व च आईएमजी गै करग। खजाना मंत्री हुंदी अध्यक्षता तैहत गृहमंत्री, कृषि मंत्री ते योजना आयोग दे डिप्टी चेरमैन हुंदी सदस्यता आहला एचएलजी प्रभावत राज्येँ गी आईएमजी दियेँ सफारशेँ दी बिनाह पर केंद्री मदाद मंजूर करग। आईएमजी दा गठन ते एहदे मिम्बरेँ दी गिनतरी च बक्ख-बक्ख समेँ पर बदलास कीता जाई सकदा ऐ। एनडीएमए दे उपाध्यक्ष एचएलसी च विशेष अतिथि होडन।

केंद्री सरकार

3.3.3 कनून दे प्रावधानेँ मूजब केंद्री सरकार आपदा प्रबंधन आस्तै ओहकड़े सब्बेँ उपास करग जेहड़े ओह जरूरी समझदी ऐ ते ओह सभनेँ एजेसिये बशकार

तालमेल करग। केंद्री मंत्रालय ते मैहकमे आपदा थमां पैहले आहले उपाएं दियेँ जरूरतेँ बारे ते आपदा दी रोकथाम ते निवारण बारे फैसला लेंदे मौके राज्य सरकार दे मैहकमे दियेँ सफारशेँ गी ध्यानै च रखडन। केंद्री सरकार इस गल्लै गी पक्का करग जे केंद्री मंत्रालय ते मैहकमे अपनी विकास परियोजनाएं ते प्राजैक्टें च आपदाएं दी रोकथाम ते समाधान आहले उपाएं दा समावेश करन। आपदा थमां पैहले दियेँ जरूरतेँ लेई मनासब फंड अलाट करन ते कुसै बी आपदा परिस्थिति जां आपदा कन्नेँ निबडने आस्तै मनासब तयारी ते निवारण दे उपास करन। इसी एनईसी, राज्य सरकारें, एसडीएमए, एसईसी जां इं'दे अधिकारियेँ ते अमले गी आपदा प्रबंधन च सहायता जां सखाल करने दे निर्देश देने दा इख्त्यार होग ते एह सब्बेँ इकाइयां ते कर्मचारी इ'नेँ निर्देशेँ गी मन्नेने लेई पाबंद रौहडन। केंद्र सरकार राज्य सरकारें गी लोडचदी मदाद ते सैहजोग देग जां ओह मदाद जेहड़ी ओह आपू मनासब समझै। ओह आपदा प्रबंधन दे क्षेत्र च संयुक्त राश्ट्र दियेँ एजेसियेँ, अंतरराश्ट्री संगठनेँ ते विदेशी मुल्खेँ दियेँ सरकारें कन्नेँ तालमेल सरबन्धी उपास बी करग। गृह विभाग दे सैहजोग कन्नेँ विदेश मंत्रालय आसेआ तालमेल ते साथ-सैहजोग दी बत्त पद्धरी कीती जाग।

केंद्री मंत्रालयेँ ते मैहकमे दी भूमिका

3.3.4 आपदा प्रबंधन इक बहु-मुखी प्रक्रिया ऐ इस करी सभनेँ केंद्री मंत्रालयेँ ते मैहकमे गी इस क्षेत्र च मुख्क भूमिका निभानी होग। भारत सरकार दे नोडल मंत्रालय ते विभाग (जि'यां के कृषि, परमाणु, उर्जा, शैहरी हवावाजी, धरत विज्ञान, पर्यावरण ते जंगलात, गृह, सेहत, खनन, रेलवे, अंतरिक्ष, जल-संसाधन बगैरा मंत्रालय) उ'नेँगी सौंपी गेदी आपदाएं दा समाधान करदे रौहडन।

राश्ट्री संकट प्रबंधन कमेटी (एनसीएमसी)

3.3.5 राश्ट्री संकट प्रबंधन कमेटी- एनसीएमसी) कैबनिट सचिव हुंदी अगुआई आहली भारत सरकार दी

इक बड़्हे अधिकारिये दी कमेटी ऐ। एह गंभीर ते राश्ट्री स्तह पर प्रभावत करने आहले संकटे कन्ने निबड़्ग। केंद्री नोडल मंत्रालये दे संकट प्रबंधन गुप (सीएनजी) ते राश्ट्री कार्यकारी कमेटी-(एनईसी) एहदी सहायता करडन। एनडीएमए दा सचिव इस कमेटी दा सदस्य होई सकदा ऐ।

राज्य सरकारां

3.3.6 आपदा प्रबंधन दी बुनयादी जिम्मेदारी राज्ये दी ऐ। केंद्री, राज्य ते जिला स्तर पर कायम कीते गेदा संस्थागत सरिस्ता आपदाएं दे कारगर प्रबंधन आस्तै राज्ये दी मदाद करग।

3.3.7 कन्नू च राज्य सरकारें गी अख्त्यार दित्ते गेदे न जे आपदा प्रबंधन बारे योजनां बनाने दे उपाएं गी विकास योजनाएं च शामिल करन, फंड मंजूर करन, पूर्व चेतावनी देने आहली प्रणालियां स्थापत करन ते केंद्री सरकार ते होरने एजेसिये दी आपदा प्रबंधन च सहायता करन।

जिला प्रशासन

3.3.8 जिला स्तर पर डीडीएमए आपदा प्रबंधन आस्तै योजना बनाने, तालमेल करने ते अमलावरी सरबंधी निकाय दे रुपै च कम्म करग ते एनडीएमए ते एसडीएमए दिशा-निर्देशे मूजब आपदा प्रबंधन लेई लोडचदे सब्बै उपास करग।

इक कोलां मते राज्ये पर असर पाने आहलिये आपदाएं दा प्रबंधन

3.3.9 केई बारी इक राज्य च आई दी आपदा दा असर दूए राज्ये दे इलाके तोड़ी फैली जंदा ऐ। इस्सै चाल्ली हाई जनेही किश आपदाएं दी रोकथाम दे उपास राज्य च गै करने दी लोड पेई सकदी ऐ भामे उंदा असर दूए राज्ये पर होंदा होऐ। मुख्ये दा प्रशासनक ढांचा राश्ट्री राज्य ते जिला प्रशासने च बंडोए दा ऐ। एहदे करी इक थमां मते राज्ये गी प्रभावत करने आहलिये आपदाये दे प्रबंधन च किश मुश्कलां पेश ओंदियां न। नेही स्थिति कन्ने निबड़्ने आस्तै तालमेल आहले रुख दी लोड ऐ

जेहदे कन्ने सामान्य नजरी औने आहले थमां बक्खरे केई चाल्ली दे मुद्दे कन्ने निबड़्नेआ जाई सकदा ऐ। एनडीएमए नेही स्थितिये दा पता लाने दे कम्मै गी बढ़ावा देग ते राज्ये, केंद्री मंत्रालये, मैहकमे ते होरने एजेसिये पासेआ उंदे कन्ने निबड़्ने लेई तालमेल बनाइये रणनीतियां त्यार करने आस्तै आपसी मदाद दे करार दे स्हाबै सरिस्ता स्थापत करने गी बढ़ावा देग।

होर दूइयां म्हत्तवै आहलियां संस्थागत बवस्थां हथियारबंद बल

3.4.1 हथियारबंद बले गी अक्सर उसले गै मदद लेई सद्देआ जंदा ऐ जिसले स्थिति उंदे अपने नियंत्रण थमां बाहर होई जंदी ऐ। उंआं असल च हथियारबंद बल सरकार दी प्रतिक्रिया, समर्थ दा इक म्हत्तव आहला हिस्सा होंदे न ते सभने चाल्ली दे गंभीर हालात च कम्म करदे न। कुसे बिपरीत स्थिति कन्ने निबड़्ने दी उंदी बड़ी मती समर्थ, कारवाई करने दी रफतार ते उंदे कश उपलब्ध संसाधने करी हथियारबंद बले दा मदाद आहले कम्म च मुख् भूमिका निभाने दा इतिहास रेहा ऐ। इंदे च संचार, तपाश ते बचास-अभियान, सेहत ते मैडिकल स्हूलतां ते ढो-ढोआई दे कम्म शामिल न, खास करिये आपदा दे तुरत मगरा जहाजे ते हैलिकाप्टरे राहे निकासी ते गोआंटी मुखे तोड़ी मदाद पजाना आमतौर पर हथियारबंद बले दा कम्म ऐ। हथियारबंद बल सिखलाई देने आहले ते आपदा प्रबंधन दे प्रबंधके गी टकोहदा करिये सीबीआरएन सरबंधी मामले च सिखलाई देने, रस्से दा इस्तेमाल करिये मुश्कल थारहे उप्पर हैलिकाप्टरे राहे राहत ते बचास कम्म, उच्चिये थारहे उप्पर बचास-कम्म, किशती चलाने जां तारी दी सिखलाई ते नीम मैडिकल अमले दी सिखलाई सरबंधी कार्यक्रमे च हिस्सा लैडन। राश्ट्री स्तर पर संगठत रक्षा अमले दे थमां लेइये अमला कमेटी दे प्रमुखे दे अध्यक्ष गी अगगे गै एनईसी च शामिल करी लैता गेदा ऐ। इंयां गै राज्य जिला स्तर पर हथियारबंद बले दे मकामी नुमाइदे गी

नेड़में तालमेल आस्तै उं'दिये कार्यकारी कमेटिये च शामिल कीता जाई सकदा ऐ।

केंद्री नीम फौजी बल

3.4.2 केंद्री नीम फौजी बल जेहड़े हथियारबंद बल बी न, आपदा दे समे च तुरत कारवाई करने च म्हत्तव आहली भूमका नभांदे न। एनडीआरएफ गी योगदान करने दे इलावा ओह गै बलें च आपदा प्रबंधन दी उचित समर्थ विकसत करडन ते जि'त्थे ओह तैनात न, उ'ने क्षेत्रे च आपदा सरबंधी कम्म करडन। सीएमपीएफ दे मकामी नुमाइंदे गी राज्य स्तर दी कार्यकारी कमेटिये च आमंत्रत कीता जाई सकदा ऐ।

राज्य पुलस बल ते अगग स्हालने आहलियां सेवां

3.4.3 राज्य पुलस बल अगग स्हालने आहली सेवा आपदाएं दा तुरत परता देने आहले बल न। पुलस बलें ते अगग स्हालने आहले बलें गी मते चाल्लीं दे खतरें थमां बचाने दी समर्थ हासल करने लेई सिखलाई दित्ती जाग ते उ'नेंगी आधुनिक बनाया जाग।

नागरिक सुरक्षा ते होम गार्डस

3.4.4 आपदा प्रबंधन च असरदार भूमका सौंपने आस्तै सिविल डिफेंस ते होम-गार्डस दे अधिकारें गी नमें सिरेआ तय कीता जाग। उ'नेंगी समुदायक त्त्यारी ते सार्वजनिक कम्ममें लेई तैनात कीता जा। आपदा दी सूरत च ड्यूटी स्टेशनें पर गै हाजर होई जाने दी संस्कृति गी बढ़ावा दित्ता जाग।

राज्य आपदा प्रतिक्रिया बल (एसडीआरएफ)

3.4.5 राज्ये गी अपने संस्थानें थमां गै प्रतिक्रिया समर्थ पैदा करने लेई प्रोतसाहत कीता जाग। शुरु च, हर इक राज्य इक बटालियन दे बरोबर बल गी सिखलाई देग ते उपकरणें कन्नै लैस करग। महिलाएं ते बच्चें दिये जरूरतें गी पूरा करने आस्तै ओह महिला-सदस्ये गी बी शामिल करडन। एनडीआरआफ दियां बटालियनां ते उं'दे सिखलाई इदारे इस कम्ममें च राज्ये ते केंद्र शासित प्रदेशें दी सहायता करडन। राज्ये ते केंद्र शासित प्रदेशें उं'दे पुलस ट्रेनिंग कालजें ते गजटेड ते नान-गजटेड अफसरें दे बुनयादी कोर्स च आपदा प्रबंधन सिखलाई दा विशे शामिल करने लेई बी प्रोतसाहत कीता जाग।

राश्ट्री कैडेट कोर (एनसीसी), राश्ट्री सेवा योजना (एनएसएस) ते नेहरु युवा केंद्र संगठन (एनवाईकेएस) दी भूमिका:

3.4.6. नौजवानें दे इ'ने संगठनें दी समर्थ दा समुदाय आधारत सभनें पैहलकदमिये च मदाद आस्तै कीता जाग ते उं'दे कार्यक्रमें च आपदा प्रबंधन दी ट्रेनिंग गी शामिल कीता जाग।

अंतर्राश्ट्री साथ-सैहजोग

3.5.1 आपदां भूगोलिक सीमाएं गी नेई मनदियां न। बड़डियां आपदां अक्सर इकके बारी मते मुखे गी प्रभावत करी पांदियां न। आपदा प्रबंधन दे सभनें क्षेत्रे च मुखे आसेआ अंतर्राश्ट्री स्तर पर नेड़मे सैहजोग ते तालमेल दे जतन कीते जांगन।

नजरिया

4.1.1 राहत केंद्रत रुख च बड्डी तबदीली करिये इसी रोकथाम ते निवारण आधारत बनाने आस्ते रोकथाम ते निवारण दे उपाएं दी मुतल्लका धडे दे सैहजोग कन्ने विकास योजनाएं ते कार्यक्रमें च शामिल करने दे जतन कीते जाडन।

आपदा प्रबंधन गी विकास योजनाएं दा हिस्सा बनाना

4.2.1 एनडीएमए सभनें मजूदा ते नमें विकास कार्यक्रमें ते प्राजैक्टें दे विकास एजेंडे च आपदा दा जोखम घट्ट करने दे कम्मै गी मुख् कम्म बनाने गी यकीनी बनाग ते इंदे च डिजायन तयार करने ते निर्माण कम्में च आपदा झेल्ली सकने आहलियां विशेष खूबिये गी शामिल कीता जाग। योजना आयोग संसाधन मंजूर करदे बेल्लै इनें गल्लें दा मुख् ध्यान रक्खग।

राष्ट्री आपदा प्रतिक्रिया ते निवारण कोश

4.3.1 कनून दे प्रावधानें मूजब राष्ट्री आपदा प्रतिक्रिया कोश दा गठन कीता जाग। एहदा इस्तेमाल केंद्र सरकार पासेआ एनडीएमए दे सलाह-सूत्र कन्ने जारी कीते गेदे दिशा-निर्देशें मूजब आपात प्रतिक्रिया ते राहत ते परतिये आबादकारी आहले कम्म-कारवाइयें ताई कीता जाग। राष्ट्री कुदरती करोपिये सरबंधी राहत फंड (एनसीसीएफ) गी राष्ट्री आपदा प्रतिक्रिया फंड च रलाने दा प्रस्ताव माली आयोग दिये सफारशें मूजब गै कीता जाग।

4.3.2 इयां गै कनून दे प्रावधानें मूजब टकोहदा करिये निवारण दे मकसद आस्ते राष्ट्री आपदा

निवारण कोश (एनडीएमएफ) कायम कीता जाग। एहदा इस्तेमाल एनडीएमए आसेआ माली आयोग दिये सम-सम पर जारी कीती जाने आहलिये सफारशें मूजब कीता जाग।

केंद्री मंत्रालयें ते मैहकमें दियां जिम्मेदारियां

4.4.1 सब्बै केंद्री मंत्रालय ते मैहकमे अपनी-अपनी आपदा-प्रबंधन योजना तयार करडन जिंदे च इनें योजनाएं लेई लोडचदे ढांचे दा ब्यौरा बगैरा बी शामिल कीता जाग। पंज बरी ते सलाना योजनाएं च लोडचदे बजट दा प्रावधान कीता जाग।

राज्य ते जिला स्तरी बवस्थां

4.4.2 राज्य ते जिला स्तर पर आपदा निवारण ते प्रतिक्रिया कोश कायम करने दा जिम्मा राज्यें दा होग। इनें कोशें दे इस्तेमाल सरबंधी तौर-तरीके कनून दे प्रावधानें मुजब तय कीते जाडन।

संकट निवारण परियोजनां

4.4.3 बक्ख-बक्ख आपदाएं बारै दिशा-निर्देश राष्ट्री, राज्य ते जिला स्तर पर निवारण परियोजनाएं दा आधार होडन। केंद्री मंत्रालय, मैहकमे ते राज्य सरकारां अमलावरी आस्ते निवारण सरबंधी परियोजनाएं दी निशानदेही करडन। राष्ट्री स्तर दे निवारण प्राजैक्टें गी बनकदी प्राथमिकता दित्ती जाग ते एनडीएमए कन्ने सलाह-सूत्र करिये मंजूरी दित्ती जाग।

तकनीकी- माली सरिस्ता

4.5.1 एह दिक्खदे होई जे आपदाएं करी होने आहले बडे भारी नुकसान दी भरपाई सरकारै आसेआ बचास, राहत, पुनर्वास ते पुनर्निर्माण दिये जरुरतें आस्ते दित्ती जाने आहली मदाद कन्ने नेई

होई सकदी, इस करिये व्यक्तिये, समुदाये ते कारपोरेट सेक्टरें गी होने आहले नुकसान दी भरपाई ताई तबाही दे जोखम सोआ बचाऽ लेई पैसा उपलब्ध करोआना, जोखम बीमा, संकट-बांड, घट्ट आमदन आहले लोके आस्तै माली ते बीमा सरिस्ते जनेह माली साधने गी बेहतर माली प्रोतसाहने कन्ने बढ़ावा दित्ता जाग। इस सरबंधे च रसैनी हादसे दे पीड़ितें गी राहत मुहेइया करोआने

बारै सार्वजनिक जिम्मेदारी बीमा कनून-1991 तैहत पर्यावरण राहत कोश दा हवाला दित्ता जाई सकदा ऐ। आपदा जोखम बीमा, घट्ट आमदन आहले उपभोक्ताएं लेई माली सेवां ते घट्ट आमदन आहले उपभोक्ताएं लेई बीमा सेवां जनेह किश माली प्रचलन नमें बनाए गेदे घरे-मकानें ते ढांचें आस्तै लाजमी न ते सुरक्षत निर्माण गी घरे-मकानें लेई दुआर-कर्जे कन्ने जोइने बारै गौर कीता जाग।

5.

आपदा दी रोकथाम, निवारण ते त्यारी

आपदा दी रोकथाम ते निवारण

5.1.1 मनुक्खी आपदाएं दे उल्ट हाई, भूचालें ते चक्रवाती तूफानें जनेही कुदरती करोपियें थमां निजात थोई सकदी ऐ। उ'आं खतरें दी संभावना आहले इलाकें च विकास कम्ममें दी मनासब योजना कन्नै निवारण सरबंधी उपाऽ करियें इ'नें करोपियें गी आपदाएं च तबदील होने थमां रोकेआ जाई सकदा ऐ। निवारण आहले उपाएं ताई बहु-पक्खी रुख अपनाने दी लोड ऐ।

- सभनें विकास परियोजनाएं च निवारण सरबंधी उपाएं ते सरिस्ते दा निर्माण
- मती पैहल आहले इलाकें च एनडीएमए पासेआ केंद्री मंत्रालय, मतल्लका मैहकमें ते राज्यें दे सैहजोग कन्नै राष्ट्री स्तर दियां निवारण सरबंधी परियोजनां रम्भ करना
- राज्य स्तर दियें निवारण आहलियें परियोजनाएं गी दिशा-निर्देशं मूजब प्रोतसाहन ते सहायता देना
- बक्ख-बक्ख राज्यें पासेआ आपदा ते ओहदा सामना करने आस्तै अपनाए गेदे सरिस्ते दी स्वदेशी जानकारी गी मनासब म्हत्तव दित्ता जाग ते बिरासती ढांचें दी हिफाजत पर विशेष ध्यान दित्ता जाग।

जोखम आकलन ते ज़द च औने दे अंदेशे बारे नकशाबंदी

5.1.2 आपात प्रबंधन ताई राष्ट्री आंकड़े (एनडीईएम) ते विशेष आंकड़ें सरबंधी ढांचे (एनएसडीआई) जनेह आंकड़ें पर आधारत भू-सूचना प्रणाली (जीआईएस) दी बरतून कन्नै मते चाल्लीं दे खतरें सरबंधी ढांचारूप तैह्त खतरें आहले इलाकें दी ज़ोनें च बंड, नक्शे तयार करने ते प्रभावत होने दी मती संभावना आहले इलाकें दा विशलेशन कीता जाग। आपदाएं दी ज़द च औने दी शंकाएं दे निवारण बक्खी पैहली गें दे रुपे च केंद्री मंत्रालयें ते मैहकमें, राष्ट्री एजेंसियें, जान-अधारत

संस्थानें ते राज्य ते जिला स्तर पर आपदा प्रबंधन प्राधिकरणें गी आपदा आहले सभनें इलाकें च जोखमें ते इलाकें दे आपदाएं दी ज़द च औने दी संभावना दा पता लाना लोडचदा। जीआईएस ते रिमोट सेंसिड एजेंसियां आंकड़े पर आधारत जोनबंदी ते ज़द च औने आहले संभावत इलाकें दी निशानदेही च जांच पैहलू गी पक्क गै शामल कीता जाना लोडचदा। रसैनी हादसे दी संभावना आहले सभनें जिलें च जीआईएस मंचें पर संकट ते ओहदे असर सरबंधी ब्यौरा तयार कीता जाग।

5.1.3 आपदा प्रबंधन दे क्षेत्रें च जीआईएस रिमोट सेंसिड ते थारै दा पता लाने आहली प्रणाली-जीआईएस दे बधदे इस्तेमाल करियें नामज़द ईसीएस केंद्र राहें विशेषत ते भूगोलक आंकड़ें दे लेन-देन लेई सरिस्ता कायम करने दी लोड जरूरी बनाई दित्ती ऐ। आपदा प्रबंधन दे क्षेत्र च कुदरती संसाधनें ते उद्योगी कम्म-कारवाइयें दे प्रबंधन आस्तै बक्ख-बक्ख एजेंसियें दी बरतून ताई नक्शे किट्टे करने, बवस्थत करने ते उ'दा विशलेशन ते लोड अनुसार नक्शें तयार करने आस्तै एनएसडीआई दी स्थापना कीती गेदी ऐ। नीति दे कारगर विशलेशन गी सखाला बनाने आस्तै एनएसडीआई गी आंकड़ें दी बक्ख-बक्ख थारै अमलावरी ते सूचना ते आदान-प्रदान सरबंधी दिशा-निर्देशं पर कम्म करना लोडचदा। सखालें ते तौले आदान-प्रदान आस्तै एनएसडीआई ते तजवीज कीते गेदे राष्ट्री आपदा आपात संचार नेटवर्क बश्कार दपक्खिया संपर्क संचार सरिस्ता कायम कीता जाग। एनडीईएम तैह्त सुरक्षत म्हौल च भूगोलक ते गैर-भूगोलक आंकड़े हासल करने ताई बनाया गेदा कार्यक्रम आपदा प्रबंधन आस्तै सूचना सरबंधी जानकारी एनएसडीआई राहें हासल करग।

शैहरी इलाकें च आपदाएं दी बधै करदी प्रवृत्ति

5.1.4 शैहरी इलाकें च आपदां केई चाल्लीं दियां होंदियां न ते नुकसान दी गंभीरता बी बड़ी बद्ध होंदी ऐ। जिस करी उ'त्थे कारगर आपदा प्रबंधन योजनाएं दी लोड

हॉदी ऐ। पिछले किश समें च इस चाल्लीं दियें आपदाएं च बड़ी मती बढौतरी होई ऐ। शैहरी इलाकें च तपाश ते राहत कम्ममें आस्तै बी विशेष सिखलाई दी लोड हॉदी ऐ। गैर-योजनाबद शैहरीकरण गी नियंत्रत करने ते हर चाल्लीं दी आपदाएं थमां सुरक्षत मनुक्खी आसरमें यकीनी बनाने गी पैहल दित्ती जाग। राज्य ते केंद्र शासत प्रदेशें दियें सरकारें गी शैहरें च सुधार करने दे कम्ममें गी पैहल देनी लोडचदी ते कुदरती निकासी प्रणालियें च रुकावटां नेई पैदा होन देने पर ध्यान केंद्रत करना लोडचदा। शैहरी जोखमें दे प्रबंधन आस्तै निर्णय-सहायता प्रणाली विकसत करने ताई दूरसंवेदी प्रणालियें राहें शैहरी ढांचें दे नक्शे तयार कीते जाडन।

म्हत्तवै आह्ला मूल ढांचा

5.1.5 एह बड़ा लाजमी ऐ जे म्हत्तव आहले ढांचे दी जि'यां के ब'न्न, सड़कां, पुल, फलाइ-ओवर, रेल, बिजली स्टेशन, पानी दियां उच्चियां टैंकियां, सिंचाई दियां नैहरां, नदी घाटी आहले इलाकें च पानी बंड सरिस्ता, नदियां ते इंदे कंडे, बंदरगाहां ते होर दूइयां नागरिक स्थूलतां, उंदी विश्व स्तर दे सुरक्षा मानकें दे स्हाबै लगातार निगरानी कीती जानी लोडचदी ते जि'त्ये लोड होऐ उ'नेंगी मजबूत बनाया जाना लोडचदा। म्हत्तव आहले ढांचे गी सुरक्षा नियमें दे स्हाबै तयार कीता जाना लोडचदा ते मतल्लका मैहकमे ते प्राधिकरण इस बारै लोडचदी कारवाई यकीनी बनाडन।

पर्यावरण स्हाबै टिकाऊ विकास

5.1.6 टिकाऊपन गी यकीनी बनाने आस्तै पर्यावरण पैहलू ते विकास सरबंधी जतन कन्नो-कन्नी चलने चाहिदे। आपदा प्रबंधन योजनाएं दे सामेपन दी ब्हाल्ली ते समुंद्री तटें पर हिफाजती रुख-बूहटें दी पट्टी दे कम्ममें गी शामिल कीता जाना लोडचदा। पर्यावरण दे सामेपन दी ब्हाल्ली ते टिकाऊ विकास आस्तै जंगलें, महादीपें समुंद्री कंडें, कृषि ते शैहरी ते उद्योगी वातावरण पर बी ध्यान दित्ता जाना लोडचदा। क्षेत्री नियम-कायदें गी कुदरती आसरमें दा संरक्षण यकीनी बनाना लोडचदा।

जलवायु परिवर्तन मूजब व्यवहार

5.1.7 जलवायु परिवर्तन दा बर्फू दे जखीरें, पानी दे संतुलन, कृषि, जंगलें, समुंद्री कंडें दा चपासम, जैविक बन्न-सबन्नता ते मनुक्खी ते जनौरें दी सेहत पर पवै करदा ऐ। इस गल्लै दे पक्के संकेत न जे जलवायु परिवर्तन कन्नै चक्रवाती तूफानें, हाईं ते सोक्के जनेही कुदरती आपदाए च औंदे ब'रें च बढौतरी होग ते एह मतियां गंभीर होडन। इ'नें चनौतियें दा लगातार ते कारगर तरीके कन्नै मकाबला करने आस्तै जलवायु परिवर्तन दे मूजब ढालने ते आपदा दा खतरा घट्ट करने ताई साढे नज़रिये ते रणनीतियें च तालमेल गी प्रोतसाहन ते बढावा दित्ता जाग।

त्यारी

केंद्री मंत्रालयें, मैहकमें ते राज्यें दी भूमिका:

5.2.1 राज्यें ते केंद्र शासित प्रदेशें गी आपदा प्रबंधन आस्तै अपनी समर्थ तयार करने दे कम्ममें गी सभनें थमां मती तरजीह देनी होग। सभनें स्तरें पर योजनां, आपदा प्रबंधन कन्न-2005 दे प्रावधानें ते दिशा-निर्देशें मूजब बनाइयां जाडन। राष्ट्री योजना जि'त्ये एनईसी पासेआ बनाइयां जाडन, उ'त्ये गै आपदा ते इलाके दे स्हाबै योजनां मतल्लका मंत्रालयें ते मैहकमें पासेआ बनाइयां जांगन। राज्य ते जिला योजनां एनडीएमए आसेआ जारी कीते गेदे दिशा-निर्देशें मूजब आपदाएं दी गंभीरता ते इलाकें दी संवेदनशीलता दे स्हाबै तयार कीतियां जाडन। आपदा प्रबंधन दे उ'नें सैक्टरें च टकोहदा करिये नमें संस्थागत सरिस्ते तयार करने पेई सकदे न जि'त्ये कोई बी मजूदा एजेसी लोडचदी समर्थ ते निर्माण आस्तै कम्म नेई करै करदी होऐ।

5.2.2 केंद्री मंत्रालयें ते मैहकमें, राज्यें ते जिला आसेआ तयार कीती जाने आहलियें योजनाएं च सभनें सरबंधत धड़ें थमां हासल होने आहली जानकारी गी योजना-प्रतिक्रिया च शामिल आस्तै शामिल कीता जाग। सभनें सरबंधत धड़ें, समुदायें ते संस्थानें दी शमूलियत तयारी दी संस्कृति गी पैदा करडन। इनें योजनाएं दी बेहतर

समझ ते अमलावरी हेठली स्तह थमां लेइयै उप्परें तोड़ी आह्णने दी लोड़ ऐ।

5.2.3 आपदा-प्रबंधन दे विशे गी अंतर-राज्य परिशद ते जोनल परिशद दे एजेंडे च बतौर स्थायी-विशे ते राश्ट्री विकास परिशद दे एजेंडे च बतौर रपोर्टिंग शामिल कीता जाग।

पेशनगोई ते पैहले सोआं जारी करने चेतावनी सरबंधी प्रणालियां

5.2.4 हर चाल्ली दी आपदाएं आस्तै भविक्खवाणी ते तौले सचेत करने आह्लियें प्रणालियें गी स्थापत करने, उंदा म्यार बधाने ते उंनेगी आधुनिक बनाने दी सख्त लोड़ ऐ। टकोह्दी कुदरती आपदाएं दी निगरानी ते उंदे पर तक्क रखने आह्लियां नोडल एजेसियां तकनीकी खामियें दा पता लाडन ते समेबद्ध तरीके कन्ने उंदा स्तर उब्भड़ा चुक्कने आस्तै प्राजैक्ट त्यार करडन। सभनें राज्यें गी मौसम सरबंधी जानकारी देने आह्ली प्रणालियें दी स्थापना ते उंदे आधुनिकीकरण आस्तै भारती मौसम विभाग गी लोड़चदा ढांचा उपलब्ध कराया जाग। मौसम दी जानकारी देने आह्ले विश्व दे संगठन-डब्ल्यूएचओ, प्रशांत सूनामी सावधान प्रणाली ते उंदे इलाकाई ते वैश्विक संस्थानें कन्ने सांझ-भ्याली बारै सोच-विचार कीता जाई सकदा ऐ। आंकड़े हासल करने, भविक्खवाणी ते सूचना दा समें पर आदान-प्रदान करने ताई आईसीटी उपकरणों दी बरतून दी लोड़ ऐ।

संचार ते सूचना टेक्नोलाजी (आईटी) सहायता

5.2.5

आपदा प्रबंधन आस्तै बुनयादी संचार ते सूचना टेक्नोलाजी दी मदाद दी लोड़ इनें त्रऊं स्तरें पर हौंदी ऐ-

- हर स्तह पर फैसला लैने आह्ले ते आपदा प्रबंधकें गी
- बक्ख-बक्ख स्तर पर मुतल्लका अधिकारियें ते खतरें दी ज़द्द आह्ले समुदायें गी सेही समें च पूर्व सूचना ते जानकारी दा पजाना। पूर्व सूचना

ते जानकारी देने आस्तै टेलीविजन ते रेडियो जनेह् प्रसारण ते संचार सरबंधी माध्यमें दी खरी चाल्ली बरतून कीती जाई सकदी ऐ की जे उंदी पुज्जत दा दायरा बड़डा होंदा ऐ। समुंद्री ते पहाड़ी इलाकें आस्तै मौसम विभाग दे नेटवर्क दा इस्तेमाल कीता जाई सकदा ऐ।

- राहत ते बचाव आह्ली कम्ममें-कारवाइयें गी चलाने ते उंदे नियंत्रण आस्तै आपदा आह्ली थाहरें खीरी सिरे तोड़ी संपर्क राबता

5.2.6 सूचना ते टेक्नोलाजी दे स्वदेशी बुनयादी ढांचे दी बरतून कन्ने ताजा जानकारी दा संचार ते आदान-प्रदान आपदा प्रबंधन दी कारगर अमलावरी दा मुख पैहलू ऐ। प्रभावत इलाकें थमां थहोई दी मकामी सूचना दा भरोसेमंद, ताजा-तरीन ते तेजिया कन्ने आदान-प्रदान आपदा प्रबंधन दी कारगर अमलावरी आस्तै बुनयादी जरूरत ऐ। पंचैती राज इदारे जां शैहरी मकामी निकायें थमां हासल होने आह्ले आंकड़ें गी तौले संशोधत करने आस्तै लोड़चदी सूचना प्रोद्योगिकी, बनावट ते म्हारत सरबंधी स्हूलतें आह्ला सूचना टेक्नोलाजी ढांचा खढेरने दे जतन कीते जाने चाहिदे न। इक राश्ट्री आपात संचार नेटवर्क विकसत कीता जाग जेह्दे च समकालीन अंतरिक्ष ते धरती सरबंधी टेक्नोलाजी दा समावेश होऐ ते कन्ने उच्च म्यारी तालमेल सरिस्ते दा प्रावधान होऐ। एह सरिस्ता प्रभावत समुदाय ते मकामी अधिकारियें गी बेल्ले सिर खबरदार करने ते सूचना-जानकारी पजाने दा कम्म यकीनी बनाग।

आपात हालात च कारवाइयें सरबंधी केंद्रें गी तगड़ा करना

5.2.7 राश्ट्री, राज्य, मैट्रो ते जिला स्तर पर आधुनिक टेक्नोलाजी ते संचार सुविधाएं आह्ले आपात अभियान केंद्र कायम करने ते समें-समें पर उंदे आधुनिकीकरण गी पैहल दित्ती जाग। आपदा दी मारें हेठ आए दे

इलाकें दे खीरले सिरे तोड़ी संपर्क ते अभियानें दे नियंत्रण आस्तै इक थाहरा थमां दूई थाहरें पर लेई जाई सकने आहले साधन मुहेइया करोआए जांगन। हम-रेडियो ते इस चाल्लीं दी होर नमियें सुविधाएं दा आपदा प्रबंधन संचार च समावेश लाहकारी रौहग।

चिकित्सा त्त्यारी ते भारी जानी नुकसान दी रोकथाम बारै प्रबंधन

5.2.8 मैडीकल त्त्यारी कुसै बी आपदा प्रबंधन योजना दा इक म्हत्तव आहला हिस्सा होंदा ऐ। सेहत ते परिवार कल्याण मंत्रालय, राज्यें ते मैडीकल अनुसंधान सरबंधी बड्डे संस्थानें कन्नै नेइमा तालमेल बनाइयै एनडीएमए एमरजेंसी मैडीकल मदाद पजाने ते बड्डे स्तर पर जानी ते माली नुकसान दे प्रबंधन सरबंधी समर्थ च बाद्दा करने लेई नीति दिशानिर्देश त्त्यार करग। अस्सपतालें दी आपदा प्रबंधन योजनाएं च मैडीकल टीमां ते नीम-मैडीकल अमला त्त्यार करना ते उंनेंगी सिखलाई देना, समर्थ निर्माण, सदमे सरबंधी ते मनो-समाजी दिक्खभाल, बड्डे पैमाने पर जान्नी नुकसान दा प्रबंधन ते इलाज दे कम्म शामिल न। आपदाएं दे मौके सभनें अस्पतालें दे बधदे जानी नुकसान आहले हालात कन्नै निबड्डेने दी समर्थ दा पता लाया जाग ते सब्बै राज्य ते केंद्र शासित प्रदेश आपदा थमां पैहले आहले मरहले च सलाह-सूत्र दी प्रक्रिया राहें उसी दस्तावेजें च दर्ज करडन। राज्य ते जिला अधिकारियें गी आपदाएं दरान प्राइवेट अस्पतालें आसेआ पीडित लोकें दे इलाज-मुआलजे ताई मनासब तौर तरीके तय करने लेई प्रोतसाहत कीता जाग। इंनें योजनाएं च आपदा परेंतत होने आहले रोगें दा पता लाने आहली प्रणाली, अस्पतालें, सफारश करने आहले इदारें ते सरबंधत सेवाएं बश्कार तालमेल ते ऐंबुलेंसें ते ब्लड- बैंकें जनेही सुविधाएं गी बी शामिल कीता जाग।

5.2.9. सर्जरी आस्तै गश्ती टीमें दा गठन, गश्ती अस्सपताल ते मरीजें गी सुरक्षत थाहरें पर पजाने

आस्तै हैली-ऐबुलेंसां आपदा प्रबंधन आहले कम्मं दा इक टकोहदा हिस्सा न। हर 100 किलोमीटर पर तैनात रेलवे मंत्रालय दियें दुर्घटना राहत मैडीकल वैन-गड्डियें(एआरएमयू) दी रेलवे कन्नै सलाह-मश्वरे परेंतत राज्य ते जिला अधिकारियें आसेआ आपात मैडीकल कारवाइयें च बरतून कीती जाग। नोडल मंत्रालय पासेआ बहु-जैविक सुरक्षा ते स्तर-4 दियें प्रयोगशालाएं गी खड्डेने दा कम्म कीता जाग। मनासब शव-गृह त्त्यार करने पर ध्यान देने दी लोड ऐ। लोथें ते मरे दे जनौरें गी तौलै मनासब तरीके कन्नै ठकानै लाने गी म्हत्तव दित्ता जाना लोडचदा।

सिखलाई, दखावटी ते बनावटी अभ्यास (माक ड़िल्ल), निवारण ते त्त्यारी गितै सांझेदारियां

5.2.10 योजनाएं ते मानक संचालन प्रक्रियाएं दी कुशलता दी परख सिखलाई, सेमीनारें ते अभ्यासें राहें कीती जंदी ऐ। एनडीएमए इंनें मसलें च राज्यें ते केंद्र शासित प्रदेशें दी मदाद करडन ते मुल्खा दे बक्ख-बक्ख हिस्सें च अभ्यास बी करडन। राज्य ते जिला अधिकारियें गी त्त्यारी ते तुर्त कारवाई दी संस्कृति विकसत करने लेई प्रोतसाहत कीता जाग। राज्य सरकारें गी बी बल्लें-बल्लें बक्ख-बक्ख मतल्लका धड्डें दी कारवाई दा स्तर बधाने आस्तै एनडीएमए कन्नै रलियै बक्ख-बक्ख चाल्ली दियें आपदाएं ताई अभ्यास सरबंधी योजनां बनाने लेई प्रोतसाहत कीता जाग।

आपदा दी सूरत च समुदाय आधारत त्त्यारी

5.3.1 कुसै बा आपदा दरान, समुदाय नां छडे सभनें थमां पैहले प्रभावत होंदे न सगुआं ओह प्रतिक्रिया कारवाई बी सभनें थमां पैहले करदे न। समुदायें दी शमूलियत मकामी मलकीयत यकीनी बनांदी ऐ, मकामी जरूरतां पूरियां करदी ऐ ते नुकसान दी रोकथाम ते इसी घट्ट करने च स्व-सेवा दे जजबे ते आपसी मदद-मदाद गी बढावा दिंदी ऐ। इस करियै राज्यें ते केंद्र शासित प्रदेशें आसेआ इस बारै कीते जा करदे जतनें गी प्रोत्साहन दित्ता जाना लोडचदा।

5.3.2. बजुर्गे, महिलाएं, बच्चें ते दिव्यांगें दियें जरूरतें बक्खी टकोहदा करियै ध्यान देने दी जरूरत होंदी ऐ। आपदाएं दे प्रबंधन आस्तै महिलाएं ते नौजवानें गी फैसला लैने सरबंधी कमेटियें ते कारवाई गुपें च हिस्सा लैने ताई प्रोतसाहत कीता जाग। कुसै बी आपदा च सभनें थमां पैह्ले कारवाई करने आहले लोकें गी कारवाई दे बक्ख-बक्ख पैह्लुएं दी सिखलाई दित्ती जाग। एह पैह्लू न- प्राथमिक उपचार, तपाश ते बचास, समुदायक आसरमें दा प्रबंधन, मनो-समाजी सलाह-मशवरा, राहत बंडना ते सरकारें ते एजेंसियें थमां मदद-मदाद पजाना। समुदायक योजनाएं गी पंचैत, ब्लाक ते जिला योजनाएं च शामिल कीता जाग।

मुतल्लका धड़ें दी शमूलियत

5.3.3. एसडीएमए ते डीडीएमए सिविल समाज दे सरबंधत धड़ें दी शमूलियत आस्तै तालमेल करडन। सिविल डिफेंस, एनसीसी, नैहरू युवा केंद्रें, एनएसएस ते मकामी गैर सरकारी संगठनें गी लोकें दे सशक्तिकरण ते अपने-अपने संस्थागत सरिस्तें राहें जागरुकता पैदा करने आस्तै प्रोतसाहत कीता जाग। स्वयं-सेवियें दी शमूलियत गी बढ़ावा देने आस्तै सक्रिय ढंगें कन्नें जतन कीते जाडन।

कंपनियें कारपोरेशनें दी समाजी जिम्मेदारी (सीएसआर) ते सार्वजनिक-नीजि सांझ-भ्याली (पीपीपी)

5.3.4 तरीक गवाह ऐ जे कारपोरेट सैक्टर आपदा राहत ते पुनर्वास गतिविधियें च मदद करदा आया ऐ। पर आपदा दे खतरें गी घट्ट करने सरबंधी गतिविधियें च कारपोरेट इदारें दी शमूलियत खास नेई ऐ। कारपोरेट इदारें गी करोपियें संकटें ते संवेदनशीलताएं दे सरबंधे च अपने कम्मे-कारवाइयें गी नमें सिरेआ तय करना लोडचदा। सरकार ते निजी क्षेत्र बशकार सांझ-भ्याली गी प्राइवेट सैक्टर दे आपदा प्रबंधन दी समर्थ गी लचीला बनाने आस्तै प्रोतसाहत कीता जाना लोडचदा। लोकें दी सुरक्षा यकीनी बनाने आस्तै आपदा प्रबंधन च अपनी भूमिका मजबूत करने लेई एनडीएमए ते एसडीएमए कारपोरेट इदारें कन्नें रलियें कम्म करडन।

मीडिया कन्नें सांझेदारी

5.3.5 आपदा प्रबंधन प्रक्रिया दे सभनें मरहलें च सूचना ते जानकारी दे लेन-देन च मीडिया म्हत्तव आहली भूमिका नभांदा ऐ। इलाक्ट्रानिक ते प्रिंट दौन्नें माध्यमें दी क्षमता दा पूरा फायदा ठोआया जाना लोडचदा। समुदायक जागरुकता, तौले सौहगा करने ते जानकारी पजाने ते बक्ख-बक्ख आपदाएं बारै शिक्षत करने दे क्षेत्र च मीडिया कन्नें कारगर सांझ-भ्याली कीती जाग।

6.

तकनीकी-कनूनी सरिस्ता

तकनीकी-कनूनी सरिस्ता

6.1.1. आपदा प्रबंधन कनून-2005 च राश्ट्री, राज्य, जिला ते मकामी स्तर पर संस्थागत ते तालमेल सरबंधी सरिस्ते दा प्रावधान ऐ। सुधारें दी लोड आहले मतल्लका कनूनें ते नियम-कायदें दी केंद्री ते राज्य सरकारें ते होरनें सरबंधत एजेसियें आसेआ शनाख्त करने ते मरहलेवार ढंगे कनूनें उ'नेंगी आपदा प्रबंधन कनून दे प्रावधानें मूजब बनाने दी जरूरत ऐ।

नगर पालिका नियमं गी नमें सिरेआ तय करना

6.2.1 आपदा प्रबंधन बधै करदे निर्माण कम्मं ते शैहरीकरण गी दिखदे होई विकास नियंत्रण नियमं, भवन-निर्माण नियमं ते ढांचागत सुरक्षा पैहलुएं जनेह् म्युन्सिपल कनूनें दी नजरसानी करने दी लोड ऐ। इ'नें कनून-कायदें दी भूंचालै, हाडें, जिमीं खिसकने ते होरनें आपदाएं सरबंधी सुरक्षा खामियें गी दूर करने ताई समे-समें पर समीक्षा कीती जानी लोडचदी ते भारती मानक ब्यूरो दे नमें नियमं स्हाबै उ'दे च फेरबदल कीता जाना, हटाना लोडचदा। इ'नें नियमं थमां ओहकडे कम्मं-कारवाइयें गी हटाना लोडचदा जेह्दियां आपदाएं दरान सुरक्षा कनूनें कुसै चाल्ली दा समझोता करदियां होन। गैर मनासब इलाकें च सुरक्षा दे लोडचदे उपाएं बिजन निर्माण खतरें दी ज़द च औने दे खदशें च बढ़ोतरी करदा ऐ ते उचित पालमा सरिस्ते राहें एह्दे थमां बचेआ जाना लोडचदा। इ'यां गै ग्रामीण इलाकें च मनासब नियमं गी लागू करने पर जोर दित्ता जाना चाहिदा। जि'त्थे जरूरी होग, मकामी निकाएं गी उचित नियम तयार करने आस्तै लोडचदी माली रियायतां दित्तियां जाडन। एह् इक समूलची समावेशी प्रक्रिया होग जेह्दे च हर स्तह पर सरकारी संगठनें, मकामी प्राधिकरणें ते समुदायें गी जागरुक कीता जाग तां जे उ'दे थमां बद्धो-बद्ध फायदा हासल होई सकै।

जिमीं बरतून सरबंधी योजनाबंदी

6.3.1 केंद्री मंत्रालय ते मतल्लका मैहकमे विज्ञानक संस्थानें कनूनें सलाह-सूत्र करियें पर्यावरण ते करोपियें दे आंकडें दा विशलेशन करडन तां जे बक्ख-बक्ख भूगौलिक ते प्रशासनिक इलाकें आस्तै समावेशी तरीकें कनूनें जिमीं दी मुतबात्तर बरतून आस्तै योजनाएं गी तयार कीता जाई सकै। सुरक्षत रिहायशें ते होरनें म्हत्तव आहलियें सुविधाएं आस्तै एह् बड्डें शैहरें, मैट्रो ते घनी आबादी आहले शैहरी इलाकें आस्तै होर बी प्रासांगिक ऐ। मास्टर-प्लान ते इ'दी पालमा पैहल दी बिनाह पर समीक्षा लाजमी होग ते एह् राज्य ते केंद्र शासित प्रदेशें दी बड्डी जिम्मेदारी होग। भलेआं लौहके स्तर पर बक्ख-बक्ख बरतूनें सरबंधी आंकडें दे विशलेशन पर अधारत जिमीं दी बरतून बारै योजना तयार करने दी जरूरत ऐ। जि'त्थूं तोडी शैहरी बंदोबस्त दा सरबंध ऐ, भविक्ख च जिमीं दी बरतून दा, विकास दी अगडी गति गी ध्यानै च रक्खियै अंदाजा लाया जाग।

सुरक्षत निर्माण पिरतां

6.4.1 लोकें गी भूंचाल ते तूफान नेई मारदे पर अनुचित नमूने, गलत ढंगे कनूनें ते गलत तरीके कनूनें बनाई गेदियां इमारतां उ'नेंगी मारदियां न। नमियें इमारतें दा सुरक्षत निर्माण ते भूंचाल बारै दिशा-निर्देशें मताबक म्हत्तव आहलियें तालमां इमारतें च फेरबदल भूंचाल दे समाधान बक्खी पुट्टी जाने आहली इक म्हत्तवपूर्ण गें ऐ। इंदिरा आवास योजना ते होरनें सरकारी कल्याणकारी ते विकास स्कीमें तैह्त बनाए जा करदे घरें-मकानें दे नमूने दी परतियै जांच कीती जाग तां जे आपदाएं थमां सुरक्षा यकीनी बनी सकै। इमारतें सरबंधी आंकडें गी हर पंजें ब'रें मगरा लाजमी तौर पर अज्जै-कल्लै दे ढंगे दा बनाया जाग ते उ'नें आंकडें गी सार्वजनिक कीता जाग। सभनें राज्य ते म्युन्सिपल

निर्माण सरबन्धी कन्नून-नियमें च राष्ट्री निर्माण संहिता दी पालमा गी लाजमी बनाया जाग।

6.4.2. इंजीनियरें, भवन-निर्माताएं, लौहके निर्माताएं, निर्माण-प्रबंधकें ते कारीगरें गी सिखलाई देने दा कम्म अग्गे गै शुरु करी दित्ता गेदा ऐ ते इसी राज्य ते जिला स्तर पर होर तेज करने दी लोड़ ऐ। सुरक्षत स्कूल ते बड्डे अस्पताल, राष्ट्री भवन ते दूइयें म्हत्तव आह्लियें इमारतें गी राष्ट्री प्राथमिकता दित्ती जाग। केंद्र आसेआ प्रयोजित सभनें स्कीमें च प्रावधान कीते जाडन तां जे स्कूली इमारतें ते होरने दे नमूनें गी भूचाल झल्लने दी क्षमता दे मूजब तयार कीता जाई सकै ते उ'नेंगी अग्ग थमां सुरक्षा आह्ले उपाएं कन्नै लैस कीता जाई सकै।

नियम-पालन सरिस्ता

6.5.1 जवाबदेही आह्ली निग्घर पालमा बवस्था दे कम्म करने दी लोड़ ऐ तां जे तकनीकी-कन्नूनी ते तकनीकी-माली प्रावधानें दी कारगरदगी यकीनी बनी सकै। एह गल्ल यकीनी बनाना बी जरुरी ऐ जे राष्ट्री ते राज्य स्तह पर निगरानी, तसदीक ते पालमा दे प्रबंध

कीते जान। इ'नें प्रावधानें गी लागू करने दा जिम्मा सभनें मुतल्लका धड़ें दा होग। अपने तौर पर प्रमाणीकरण, समाजी स्हाब-लेखे ते पेशेवर एजेंसियें राहें आडिट समेत बाहरले पालमा सरिस्ते गी अपनाने जनेही कारवाइयें गी प्रोतसाह्त करने दी लोड़ ऐ। इ'यां सूचना-टेकनोलाजी पर अधारत निगरानी साफ्टवेयर जनेह उपकरणें गी डिजाइन करियें ते तयार करियें कीता जाना चाहिदा तां जे ओह भारत दी आपदा प्रबंधन बवस्था कन्नै मेल खंदा होऐ। इ'नें कम्में गी बक्ख-बक्ख धड़ें ते ज्ञान-संस्थानें कन्नै सलाह-सूत्र करियें मनासब जांच-परख ते बैधता दा पता लाने मगरा अपनाना लोड़चदा।

नियम लागू करोआना

6.6.1 तकनीकी-कन्नूनी ते पालमा प्रणाली गी लागू करने परैत्त राज्य ते केंद्र शासित प्रदेश कन्नून दे प्रावधानें मूजब इक कारगर सरिस्ता कायम करियें उ'दी अमलावरी गी बी यकीनी बनाडन।

नज़रियां

7.1.1 तेजी ते कारगर प्रतिक्रिया कन्नै जान-माल दा नुकसान घट्ट होंदा ऐ। नाजुक तबके दिये खास जरूरतें बक्खी दिक्खभाल आह्ला रवेइया बी जरूरी ऐ। कुसै बी आपदा दा मकाबला करने दे कम्ममें च मजूदा ते नमें संस्थागत प्रबंधं च संगठत, तालमेल आह्ला ते अगमें होइयै कम्म-कारवाइयां करने दे रवेइये गी यकीनी बनाने दी लोड़ ऐ। भविक्खवाणी ते सचेत करने आहलिये अज्जै-कल्लै दी प्रणालिये, पुख्ता संचार ते पैहले थमां गै विशेष प्रतिक्रिया बलें गी तैनात करने कन्नै गै इ'यां संभव होई सकदा ऐ। इस्सै चाल्ली जानकार ते त्यार समुदाय आपदाएं दे असर गी घट्ट करी सकदी ऐ।

एनईसी दी भूमिका

7.2.1. राश्ट्री कार्यकारी समिति- एनईसी, कुसै बी आपदा च जां आपदा दे खतरे आहले हालात च प्रतिक्रिया आहले कम्ममें कारवाइयें च तालमेल करग। आपदा बारे विशेष दिशा-निर्देश जि'त्थे एनडीएमसी आसेआ बनाए जाडन उ'त्थे गै कुसै बी आपदा च जां आपदा दे खतरे दी स्थिति च एनईसी भारत सरकार दे सरबंधत मंत्रालयें, मैहकमें, राज्य सरकार ते राज्य प्राधिकरणें गी उ'दे आसेआ पुट्टी जाने आहलिये गेईं बारै निर्देश देग।

नोडल ते होर दूए केंद्री मंत्रालयें ते मैहकमें दी भूमिका

7.3.1 बक्ख-बक्ख चाल्लीं दिये आपदाएं लेई सरबंधत नोडल मंत्रालय तफसीली प्रतिक्रिया योजना त्यार करग जिसी राश्ट्री प्रतिक्रिया योजना च शामिल कीता जाग। एनईसी कुसै बी आपदा च जां आपदा दे खतरे आहली स्थिति च तालमेल बनाने दा कम्म बी करी सकदी ऐ।

राज्य, जिला ते मकामी प्रशासनें दी भूमिका

7.4.1 राज्य सरकारें ते राज्य आपदा प्रबंधन प्राधिकरणें- एसडीएमए दी बड्डी जिम्मेवारी कुसै स्थिति दी निगरानी करना ते ओहदा जायजा लैना ते ओहदे बारै च राश्ट्री आपदा प्रबंधन प्राधिकरण-एनडीएमए ते राश्ट्री कार्यकारी समिति-एनईसी गी जानकारी देना ऐ। ओह उस स्थिति कन्नै निबड़ने दी अपनी समर्थ दा बरोबर मूल्यांकन बी करडन ते बेल्ले सिर केंद्री संसाधनं दी जरूरतें दे अनुमान पेश करडन। राज्यें-राज्यें बश्कार मदद-मदाद ते साथ-सैहजोग गी बढ़ावा दित्ता जाग। राज्य ते केंद्र शासित प्रदेशें पर अपनी तरक्की-याफता प्रतिक्रिया समर्थ विकसत करने ते सारी प्रक्रिया तौले मकम्मल करने दी बी जिम्मेदारी होग। एहदे च राज्य प्रतिक्रिया बलें दी सिखलाई ते जिला स्तह पर प्रतिक्रिया-सीगे त्यार करने दे कम्म शामिल होडन। जिला स्तर पर त्यारिये कन्नै प्रतिक्रिया आहली कम्ममें-कारवाइयें च काफी मदद होग। मकामी प्राधिकरण, पंचैती राज इदारे ते शैहरी मकामी निकाय इस पूरी प्रक्रिया च टकोहदी भूमिका नभाडन, खास करिये प्रतिक्रिया ते बचाऽ अभियानें, राहत ते परतिये अबादकारी, जागरुकता पैदा करने ते आपदा सरबंधी त्यारी, रोजी-रुट्टी ब्हाल करने ते गैर-सरकारी संगठनं ते सिविल समाज कन्नै तालमेल करने च खास भूमिका अदा करडन।

कम्म-कारवाइयें बारै मानक नियम-कायदे (एसओपीस)

7.5.1 सब्बै केंद्री मंत्रालय, राज्य सरकारां जिला प्राधिकरण ते होर दूए सरबंधत धड़े राश्ट्री ते राज्य योजनाएं दे स्हाबै कम्ममें कारवाइयें दे मानक तय करडन। तपाश ते बचाऽ, मैडीकल मदाद ते दुर्घटना प्रबंधन, सुरक्षत थाहरें पर पजाने, आपदा आहली थाहरें पर जरूरी सेवाएं ते संचार सरिस्ते दी ब्हाली जनेहियां कम्म-कारवाइयां करने लेई मानक संचालन प्रक्रिया बारै

दस्सेआ जाग। होरनें म्हत्तव आह्लिएं गतिविधियें च खाने-पीने आह्ली चीजे-बस्तें, पीने आह्ले पानी दी बवस्था. साफ-सुथराई, कपडे दा प्रबंध ते राहत केंद्रे दे प्रबंधन दे कम्म शामिल न। मतल्लका धडे आसेआ केंद्री मदाद भेजने, प्राप्त करने ते मदाद गी आपदा आह्ली थाहरे पर इस्तेमाल कीते जाने बारै बी तौर-तरीके तय कीते जाडन।

आपदाएं दे स्तर

7.6.1 गृह मंत्रालय आसेआ आपदाएं दा स्तर जानने ते आपदाएं बारै संदेश देने आह्ले बक्ख-बक्ख एजेसियें दे इलैक्ट्रानिक सरिस्ते गी सतर्क करने बारै दिशा-निर्देश जारी कीते गे न। इ'नें दिशा-निर्देश दी कुदरती ते मनुक्खी आपदाएं दे मामले च प्रतिक्रिया प्रबंधन आस्ते समे-समे पर नजरसानी कीती जाग।

घटनाएं बारै कमान प्रणाली

7.7.1 भारत च प्रशासनिक ढांचे च रिवायती कमान सरिस्ता मजूद होंदा ऐ जेहड़ा आपदाएं दा प्रबंधन करदा ऐ। इसी घटना कमान प्रणाली-सीआईसीएस दे सिद्धांते मूजब ते किश संशोधने परेंत मजबूत ते पेशवराना बनाने दी योजना तयार कीती गेदी ऐ। आईसीएस, कुसै बी आपदा कन्ने निबडने च मानके दे स्हाबै बक्ख-बक्ख आपात गतिविधिये दे आयोजन आस्ते इक लाजमी प्रबंधन प्रणाली ऐ। एह घटना दे प्रबंधन आस्ते विशेष दल उपलब्ध कराग जेहदे च घटना दे बक्ख-बक्ख पैह्लुएं च सिखलाई हासल कमांडर ते अधिकारी शामिल होंगन। एह पैह्लू होडन- साजो-सम्मेआन, अभियान, योजना तयार करना, सुरक्षा, मीडिया प्रबंधन बगैरा-बगैरा। कमान प्रणाली दा घटना दे बक्ख-बक्ख पैह्लुएं बारै जिला स्तर दे अधिकारियें गी सिखलाई देइयै हर जिले च इ'यै जनेह दल उपलब्ध करोआने दा बी मकसद ऐ। सभनें स्तरें पर इक सांझे अभियान कक्ष कन्ने राबते राहें टेकनोलाजी ते योजनाबंदी ते योजनाएं गी सिरे चाढ़ने सरबंधी इसलै उपलब्ध प्रणालियें दी बरतून पर जोर दित्ता जाग।

मुंढले ते होर दूर मुख प्रतिक्रियाकर्ता

7.8.1 एह गल्ल सभनें गी पता ऐ जे मकामी अधिकारियें, पंचैती राज इदारें ते शैहरी मकामी निकायें दे नेतृत्व च जनता दी भूमिका ते म्हत्तव आपदा प्रबंधन प्रक्रिया दा प्रमुख अंग न। उ'दी तुर्त मदद-मदाद आस्ते पैह्ले अग्गे औने आह्लें च म्हत्तव आह्ले धडे न- पुलस, एसडीआरएफ, अग्ग स्हालने आह्लियां ते मैडीकल सेवां। एनडीआरडी, जि'त्थें लोड होग उ'त्थे प्रतिक्रिया सरबंधी माहिराना-सिखलाई उपलब्ध करोआग। गंभीर स्थिति च एनडीआरएफ दियें सभनें बटालियनें गी (हर बटालियन च 18 टीमां) जरुरतें दे स्हाबै आपदा थमां प्रभावत इलाके च, जिन्नी तौले संभव होऐ, तैनात कीता जाग। तुर्त अग्गे औने आह्ले होर धडे न- सिविल डिफेंस, होम-गार्डस ते युवा संगठन जि'यां के एनसीसी, एनएसएस ते नेहरु युवा केंद्र संगठन। हथियारबंद बले दी तैनाती दी बी लोड दे स्हाबै बवस्था कीती जाग। एनडीआरएफ खडेरने कन्ने हथियारबंद बले दी तैनाती बल्ले-बल्ले घटाई दित्ती जाग। उ'आं हथियारबंद बले गी उसलै गे तैनात कीता जाग जिसलै हालात राज्य सरकारें ते एनडीआरएफ दे बस थमां बाहर होई जाडन।

डाक्टरी इलाज-मुआलजा

7.9.1 मैडीकल प्रतिक्रिया तुर्त ते कारगर होनी लोडचदी। मैडीकल प्रतिक्रिया सरबंधी योजनाएं दी अमलावरी ते मैडीकल संस्थानें दी तैनाती दे कम्मै च ज्यादातार हालात च राज्य ते जिला स्तर पर खास ध्यान देने दी लोड होंदी ऐ। कोल-कश दे मैडीकल संस्थानें गी, भार्मै ओह कुसै बी प्रशासनिक हदे च होन, आपू अपनी मर्जी कन्ने तैनात करने पर जोर दित्ता जाग। केन्द्र कश उपलब्ध गश्ती अस्पताल ते दूर संस्थान बी राज्यें ते केंद्र शासित प्रदेशें गी आपू उपलब्ध करोआए जाडन। कुसै महामारी गी रोकने आस्ते आपदा परेंत सेहत ते सफाई-सफाई सरबंधी

सेवाएं दा प्रबंधन जरूरी ऐ। इस करियै नेही कुसै बी संभावना पर तक्क बनाई रखना जरूरी होग।

पशु सम्हाल

7.10.1 पालतू ते जंगली दौन्नें चाल्ली दे जनौरें पर कुदरती ते मनुक्खी आपदाएं दा प्रभाव पौंदा ऐ। माल-मवेशियें दी हिफाजत ते आपदाएं दरान ते उं'दे मगरा उ'नेंगी आसरमें ते चारा उपलब्ध कराने आस्तै हर संभव तरीके कन्ने समुदायक जतन कीते जाने लोइचदे। एह गल्ल दस्सने जोग ऐ जे नेकां तबके आपदाएं दरान जनौरें प्रति स्हानुभूति दस्सी ते इ'नें जतनें गी तयारी सरबन्धी योजनाएं च शामिल कीता जाना चाहिदा ऐ। केंद्र

सरकार दे मंत्रालयें ते मैहकमें जि'यां के पशुपालन, डेयरी, मच्छीपालन ते समाजी न्यास ते सशक्तिकरण ते मतल्लका राज्य गी हर स्तर पर इस चाल्ली दे उपास करने लोइचदे।

सूचना ते मीडिया सरबन्धी सांझेदारी

7.11.1 आपदा दे हालात च इलैक्ट्रानिक ते अखबारी मीडिया राहें सेही सूचना दा आदान-प्रदान बड़ा जरूरी ऐ। आपदा प्रबंधन दी सिखलाई हासल अधिकारियें आसेआ प्रैस्स गी समें-समें पर जानकारी देना लाजमी ऐ । हर स्तर पर सूचना ते सेही जानकारी देने बारै सिखलाई दित्ती जाग।

नज़रिया

8.1.1 राहत गी हून छड़ा हमदर्दी दे तौर पर मदद-मदाद जां बेल्ले सिर आपात राहत सप्लाई दे रूपै च गै नेई दिक्खेआ जंदा। हून एह्दे शा उल्ट इसी आपात पीड़ितें दी राज्यें च परतियें आबादकारी आस्तै मदद-मदाद ते प्रभावत लोकें दी समाजी सुरक्षा यकीनी बनाने दी बवस्था दे तौर पर दिक्खेआ जंदा ऐ। राहत तुरत, मनासब ते तयशुदा म्यार दी होनी लोडचदी। राहत दे घट्टोघट्ट म्यार बारै दिशा-निर्देश एनडीआरएफ आसेआ त्यार कीते जाडन।

आरजी राहत कैप कायम करना

8.2.1 जिला आपदा प्रबंधन प्राधिकरण- डीडीएमए, टकोहदा करियै बार-बार आपदा दी मारै हेठ आह्ले इलाकें च आरजी कैप स्थापत करने आस्तै थाहरें दी निशानदेही करडन। आपदा थमां पैहले आह्ले चरण च लोडचदे जखीरें सप्लाई करने आह्लियें एजेंसियें दा पता लाया जाग। राहत बैंक बनाने आस्तै शिक्षा इदारें दियें इमारतें दी बरतून थमां बचेआ जाना लोडचदा।

8.2.2 आरजी राहत कैपें च पीने आह्ले पानी, नौहने, साफ-सफाई ते सेहत सरबंधी जरूरी सेवाएं दा मनासब प्रबंध होना चाहिदा। जिसलै संभव होऐ समुदायकर रसोइयें राहें रुट्टी मुहेइया कराने आस्तै प्रभावत परिवारें थमां गै कारवाई दल खडेरै जाने लोडचदे ते स्कूलें ते आंगनबाड़ी केंद्रें गी बहाल कीता जाना लोडचदा । सरबंधत डीडीएमए दे सैहजोग कन्नै शनाख्ती कार्ड ते राहत हासल करने सरबंधी कार्ड त्यार कीते जाने लोडचदे तां जे मनुक्ख-मात्र आह्लियें कारवाइयें च सामापन बने दा र'वै।

राहत-सप्लाई दा प्रबंधन

8.3.1 राहत दा घट्टोघट्ट म्यार यकीनी बनाना ते सप्लाई दा तेज प्रबंधन राहत अभियानें दे म्हत्तव आह्ले पैहलू न। राहत समग्री किट्टी करने, पैक करने, ओह्दी ढो-ढोआई, भंडारन ते तकसीम दे कम्म पक्के करने बारै दिशा-निर्देश बनाए जाडन ते इ'नें कम्म-

कारवाइयें गी तरतीब कन्नै कीता जाग। प्रभावत समुदायें दे मकामी अधिकारियें गी राहत कैपें दे प्रबंधन आस्तै रलियै कम्म करना लोडचदा। पारदर्शिता ते जबावदेही यकीनी बनाने आस्तै नकद जां कुसै होर दूप रूप च थहोने आह्ले मदद-मदाद दे प्रबंधन आस्तै दिशा-निर्देश त्यार कीते जाडन।

राहत मानकें दी नजरसानी

8.4.1 आपदाएं थमां प्रभावत लोकें दियां उसलै दियें जरूरतां पूरियां करने आस्तै मते सारे राज्यें च राहत दे मजूदा म्यारें दी समीक्षा करने दी लोड ऐ। राज्य आपदा प्रबंधन प्राधिकरण- एसडीएमए, राहत सरबंधी नियम-कायदें दी समीक्षा करडन ते राश्ट्री आपदा प्रबंधन प्राधिकरण- एनडीएमए दे दिशा-निर्देश मूजब राहत सरबंधी नियम ते म्यार लागू करने लेई आपदा प्रबंधन कोश त्यार करडन।

रोज़ी-रुट्टी दे आरजी विकल्प ते समाजी-आर्थिक बहाल्ली

8.5.1 हर बड्डी आपदा परैतत प्रभावत समुदायें आस्तै आरजी रोज़ी-रुट्टी दे विकल्प त्यार करने दी म्हेशां मंग कीती जंदी ऐ ते राज्य सरकारें गी अपनी आपदा प्रबंधन योजनाएं च इस पैहलू पर गौर करना लोडचदा। ऐसे कुसै बी विकल्प च एह पक्का कीता जाना लोडचदा जे त्यार कीते जाने आह्ले माल-सम्मैआन, बुनयादी ढांचा ते स्हूलतां खतरें दा मकाबला करी सकने आह्लियां, टिकाऊ, लम्मे समें तगर चलने आह्लियां ते किफायती होन।

आरजी आसरमें दी बवस्था

8.6.1 बडी भारी तबाही मचाने आह्लियें आपदाएं च, जि'त्थे मौसम दे कठन हालात जानलेवा होई सकदे न जि'त्थें अस्थाई आसरमें च अनमित्थे ते लम्मे अरसे तगर रौहना पेई सकदा ऐ, उ'त्थे पीड़ित लोकें आस्तै जीवन दा आम म्यार यकीनी बनांदे होई मनासब साफ-सफाई दियें स्हूलतें आह्ले आसरमें बनाए जाडन। इ'नें आसरमें दे नमूने पर्यावरण मुआफक ते मकामी

संस्कृति ते स्हाबै बनाए जाडन। राज्य आपदा प्रबंधन प्राधिकरण-एसडीएमए खरा होग, जेकर ओह रमानदारी आहले समें दरान इस चल्ली दे आरजी आसरमें दी

योजना त्यार करी लैन जेहड़े किफायती होन ते मते चाल्ली दी बरतून दी समर्थ रखदे होन ते कन्नै मकामी जरुरतें दे स्हाबै होन।

9.

नमं सिरिआ निर्माण ते ब्हाल्ली

नज़रिया

9.1.1. पुणर्निर्माण प्रक्रिया नज़रिया व्यापक होना लोड़चदा जेह्दे च आपदा गी मौके च तबदील कीता जाई सकै। नमं-सिरिआ बेहतर निर्माण करने आस्तै, आपदा थमां उब्भरने दी समर्थ सरबन्धी पैह्लू गी गी शामिल करना मुख्य सिद्धांत होना लोड़चदा। इस मरहले च बड़े मते सबर कन्नै ते कठन जतन कीते जाने दी लोड़ होंदी ऐ। प्रशासन, मतल्लका धड़ें ते लोके गी इस मरहले दिये जरूरतें पर ध्यान केंद्रत रखना चाहिदा कीजे समां गुजरने कन्नै जरूरतें दी बड़ी सख्त लोड़ दी भावना कमजोर पेई जंदी ऐ। उचित टेक्नोलाजी दी ताल ते परियोजना दे असर दा आकलन लाजमी ऐ तां जे चलाए जाने आहले प्राजैक्ट कन्नै प्रभावत इलाके च जां उं दे आले-दोआले दे समुदायें पर भौतिक, समाजी-सांस्कृतिक जां आर्थिक तौर पर कुसै चाल्ली दे माड़े असर नेई पौन। पुनर्निर्माण ते जीवन गी परतिये पटरी पर आहने आस्तै मनो-समाजी सहायता उपलब्ध कराने ते सदमें बारै परामर्श देने दी बवस्था कीती जानी लोड़चदी।

मालक मूजब पुनर्निर्माण

9.2.1 पुणर्निर्माण ते योजना ते घरे-मकानें दे नमूने तयार करने दी प्रक्रिया च सरकार प्रभावत लोके, गैर-सरकारी ते कारपोरेट सैक्टर दी शमूलियत होनी लोड़चदी। योजना प्रक्रिया पूरी होने परैतत मालक दे हत्थें पुनर्निर्माण गी जित्थें पैह्ल दित्ती जानी लोड़चदी उत्थे गै गैर-सरकारी संगठनें ते कारपोरेट सैक्टर दी शमूलियत गी बी प्रोतसाहन दित्ता जाना लोड़चदा। पुनर्निर्माण दे कम्म सरकार

आसेआ तय कीते गेदे म्यारी मानदंडें दे दायरें च होने लोड़चदे।

तेज्ी कन्नै पुनर्निर्माण

9.3.1 जरूरी सेवाएं, समाजी ढांचें ते आरजी आसरमा केंपें दी स्थापना तौले शा तौले कीती जानी लोड़चदी। स्थाई निर्माण आस्तै घरे-मकानें दी तामीर सने सब्बै कम्म 2-3 बरें च मकम्मल करी लैने लोड़चदे। केंद्री मंत्रालयें, मतल्लका मेहकमें ते राज्य सरकारें गी पुनर्निर्माण दे कम्म तेज करने आस्तै समर्पित परियोजना दल खडेरने चाहिदे।

9.3.2 आपदा दे बड़े मते खतरे आहले इलाके आस्तै रमानदारी आहली अवधि दरान पुणर्निर्माण आस्तै आपदा-योजनां तयार करनियां लोड़चदियां जिं दे च बकख-बकख धड़ें दे सलाह-मशवरें कन्नै भवन निर्माण ते ढांचे दे नमूने गी शामिल कीता जाना चाहिदा।

नमं सिरिआ ब्हाल्ली गी सुरक्षत विकास कन्नै जोड़ना

9.4.1 नमं समाजी ते आर्थिक ढांचे च पिछली कमिये-पेशिये गी दूर करने पर बल दित्ता जाग। रोजी-रुट्टी आहलिये बवस्थाएं, शिक्षा, सेहत दी दिक्खभाल करने सरबन्धी स्थूलतें ते बजुर्गे, महिलाएं ते बच्चें दी दिक्खभाल आहले कम्में च बढ़ोतरी ते उं दी मदद-मदाद दे जतन कीते जाडन। होर जिनें पैह्लुएं पर ध्यान देने दी लोड़ होग, ओह न- सडकां, घर-मकान, पीने आहले पानी दे साधन, साफ-सफाई दी बवस्था, दुआर-कर्जे उपलब्ध कराने दी बवस्था, राही-बाही दा सम्येआन उपलब्ध करोआना, राही-बाही ते दूर कम्म-

कारवाइयें आस्तै टेक्नोलाजी दा स्तर बधाना, भंडारें दी स्थूलत, खाने-पीने आहली चीजे-बस्तें गी डब्बा-बंद करने ते बिक्री सरबंधी स्थूलतां बगैरा-बगैरा।

रोज़ी-रुट्टी दी ब्हाल्ली

9.5.1 राज्य सरकारें गी आपदाएं दी मारै हेठ आए दे लोकें दी रोज़ी-रुट्टी पक्के तौर पर ब्हाल करने

पर जोर देना लोइचदा ते महिलाएं आसेआ चलाए जाने आहले परोआरें, कारीगरें, करसानें ते हाशियें पर जीन जीने आहले ते कमजोर तबके दे लोकें पर चेचा ध्यान देना लोइचदा ऐ।

नज़रिया

10.1.1. मतल्लका धड़ें दी सरगर्म ते जोश कन्नै भरोची दी शमूलियत कन्नै समर्थ विकास दी नीति सफल होई सकदी ऐ। इस प्रक्रिया च जाकरुकता पैदा करना, शिक्षा, सिखलाई, शोध ते विकास जनेह कम्म शामिल न। एह्दे च आपदाएं दी रोकथाम ते उं'दे कन्नै निबड़ने आस्तै उचित बुनयादी ढांचा खडेरने, प्रबंधन आहले सरिस्ते ते संसाधनं गी अलाट करने दा कम्म बी शामिल ऐ।

10.1.2. इंदे चा किश पैह्लुएं पर होरनें ध्याएं च चर्चा कीती गेदी ऐ, इस करी इस हिस्से च जागरुकता, आपदा सरबंधी शिक्षा ते सिखलाई बारै ब्यौरा दित्ता जा करदा ऐ। समर्थ विकास दे कम्मं च एह चीजां शामिल होंगन:-

- लोकें पर अधारत आपदा प्रबंधन सरिस्ते त्यार करने आस्तै सिखलाई गी तरजीह देना तां जे इलाकाई बन्न-सबन्नता ते बक्ख-बक्ख चाल्लीं दियें आपदाएं च उं'दी जरुरतें गी पूरा कीता जाई सकै।
- राज्यें ते होरनें सरबंधत धड़ें ते अमलावरी लेई जिम्मेदार राज्य ते मकामी अधिकारियें कन्नै सलाह-सूत्र करियें शैहरी स्तह पर लोकें दे अधार आहले आपदा प्रबंधन सरिस्ते त्यार करना।
- परखी दी कारकदगी आहले ज्ञान-अधारत संस्थानें दी निशानदेही करना।
- अंतर्राष्ट्री ते इलाकाई साथ-सैहजोग गी बढ़ावा देना।
- रिवायती ते विश्व स्तर दियें बेह्तरीन पिरतें ते टेकनोलाजी गी अपनाना।
- योजनाएं गी परखने आस्तै अभ्यास ते म्हारत विकास पर जोर।
- राज्य, जिला ते मकामी स्तरें पर आपदा दा मकाबला करने आहले बक्ख-बक्ख समूहें दी समर्थ दा विशलेशन करना।

राष्ट्री प्राथमिकतां

10.2.1. समर्थ विकास दे क्षेत्र च आपदा प्रबंधन सरबंधी अधिकारियें, ट्रेनरें, कार्यकर्ताएं, चनोए दे नुमाइंदे ते समुदायें गी सिखलाई देने दे कम्मं गी तरजीह दित्ती जाग।

10.2.2. डाक्टरें, इंजीनियरें ते भवन-निर्माण कम्मं कन्नै जुड़े दे पेशवरें गी आपदा प्रबंधन सिखलाई ते उं'नेगी जानकारी बारै अवगत कराने गी बक्खरा म्हत्तव दित्ता जाग। एह्दे इलावा स्कूलें समेत हर स्तह पर शिक्षा इदारें च आपदा प्रबंधन दी सिखलाई ते ब्यवहारक जरुरतें बारै दस्सने-दसाने दे कम्मं गी मनासब म्हत्तव दित्ता जाग।

संस्थागत समर्थ विकास

10.3.1. राश्ट्री आपदा प्रबंधन संस्थान-एनडीएमए आपदा प्रबंधन ताई राश्ट्री सिखलाई समें-सारिनी विकसत करने ते लागू करने च मुख् भूमिका नभाग। सिखलाई आस्तै ते अंतर्राष्ट्री सैहजोग दा एह नोडल-संस्थान बी होग। बक्ख-बक्ख राज्यें च नेकां मशूर संस्थान न जेहड़े आपदा प्रबंधन दी सिखलाई देआ करदे न। उं'नेगी माली मदाद कन्नै मजबूत कीता जाग ते राज्यें ते केंद्र शासित प्रदेशें च इ'यै जनेह सरिस्ते कायम कीते जाडन। सभनें प्रशासनिक सिखलाई संस्थानें, पुलस अकैडमियें, राज्य ग्रामीण विकास संस्थानें, एनडीआरएफ ते च'ऊं नीम-फौजी सिखलाई केंद्रें ते राश्ट्री ट्रेनिंग अकैडमी ते आपदा प्रबंधन ते सीगे आपदा प्रबंधन कन्नै जुड़ी दी म्हारत विकसित करने च बड़ा म्हत्तव आहला योगदान करडन। मजूदा संस्थानें दी समर्थ च इलाकाई ते मकामी जरुरतें दे स्हाबै बाद्धा-बिस्तार करना लोडचदा।

समुदायें दी सिखलाई:

10.4.1. लोकें दे तबके आपदा दरान सभनें थमां पैहले परता दिंदे न। इस करी उं'दी समर्थ त्यार करना समर्थ विकास प्रक्रिया दा इक जरुरी हिस्सा ऐ। एह्दे च समुदायें ते समुदायक लीडरें दी जागरुकता उं'नेगी अज्जै-कल्लै दी जानकारी देने ते उं'दा कौशल निर्माण करने दे कम्म शामिल न। एनडीआरएफ, सिविल डिफेंस. गैर-सरकारी

संगठनें ते रेड-क्रास ते आप-सहायता समूहें जनेह होरनें स्वयं-सेवी संगठनें थमां मदाद गी प्रोतसाहन दिवता जाग। नेतृत्व ते प्रेरणा दे कम्मै पर बल देने दा समूलचा जिम्मा मकामी अधिकारिये, पंचैती राज इदारें ते शैहरी मकामी निकायें दा होग जेहड़े राज्य ते जिला प्राधीकरणें दे दिशा-निर्देशें पर चलडन।

पेशेवराना तकनीकी शिक्षा

10.5.1 सरबंधत अधिकारिये आसेआ भवन निर्माण, इंजीनीरिंग, धरत विज्ञान ते दवाइयें-औशधिये सरबंधी ग्रेजुएट ते पोस्ट-ग्रेजुएट कोर्से दे पाठ्यक्रम दी समीक्षा कीती जाग ते इंदे च आपदा प्रबंधन सरबंधी उंदे विशेष म्हारत आहले क्षेत्रें दी समकालीन जानकारी शामिल कीती जाग। आपदा प्रबंधन दे कम्मै आस्तै स्कूलें ते कालजें च एनसीसी, जागतें दे स्काउटस दी भूमिका गी बी शामिल कीता जाई सकदा ऐ। राष्ट्री स्तह पर मनुक्खी संसाधन विकास मंत्रालय, यूनिवर्सटिये ते तकनीकी संस्थानें च आपदा प्रबंधन गी इक बक्खरे विशे दे रूपै च विकसित करने गी प्रोतसाहत करग।

स्कूलें च आपदा प्रबंधन बारे शिक्षा

10.6.1 मनुक्खी संसाधन विकास मंत्रालय आसेआ केंद्री माध्यमिक शिक्षा बोर्ड (सीबीएसई) राहें पाठ्यक्रम च आपदा प्रबंधन दे विशे दी शमूलियत गी सैकेंड्री शिक्षा बोर्ड राहें सभनें स्कूलें च लागू कीता जाग। राज्य सरकारां बी राज्य शिक्षा बोर्डें राहें आपदा प्रबंधन दे विशे गी लागू करने दा कम्म पक्का बनाडन। शिक्षा सरबंधी विशे कौशल अधारत सिखलाई, संकट थमां मानसक तौर पर उब्भरने ते नेतृत्व सरबंधी खूबियां विकसित करडन। आपदा प्रबंधन दे कम्मै ताई स्कूलें ते कालजें च एनसीसी, जागतें दे स्काउटस दी भूमिका गी बी शामिल कीता जाग। आपदा प्रबंधी सरबंधी शिक्षा दा मकसद स्कूली आपदा प्रबंधन योजनाएं दी अमलावरी दे इलावा तयारी ते सुरक्षा दी संस्कृति गी विकसित करना होग।

कारीगरें दी सिखलाई:

10.7.1. कारीगरें दा कौशल विकास, समर्थ-निर्माण प्रतिक्रिया दा इक होर लाजमी हिस्सा ऐ। केंद्री मंत्रालय ते मतल्लका मैहकमे कारीगरें दी सिखलाई आस्तै टिकाऊ कार्यक्रमें लेई संस्थानें दी दस्तयाबी गी यकीनी बनाडन। इनें गी तयार करने आस्तै टेकनोलाजी संस्थान (आईआईटी) ते राष्ट्री टेकनोलाजी संस्थान (एनआईटी) दा मार्ग दर्शन लैता जाग। अमलावरी दे कम्मै च उद्योग सिखलाई संस्थान (आईटीआई) ते होरनें केंद्रे, इलाकाई ते राज्य पेशेवराना सिखलाई संस्थान मदद करडन। बड्डे पैमाने पर शमूलियत यकीनी बनाने आस्तै ते गैर-सरकारी संगठनें आसेआ सिखलाई-याफता कारीगरें दी बरतून करने च टकोहदी भूमिका नभाने दी मेद ऐ।

होरनें दूर समूहें दी सिखलाई

10.8.1 नीम मैडीकल अमला, समाजी कार्यकर्ता, प्लम्बर, गुसलखानें दे मिस्त्री ते सुरक्षा दी जांच करने आहलें समेत पेशेवराना ग्रुप शोध अधारत आपदा प्रबंधन ते कम्मै च म्हत्त्व आहली भूमिका नभांदे न। इनें गुपे गी बी मनासब कार्यक्रमें राहें सिखलाई दिवती जाग।

लसैंस मुहेइयां करोआना ते प्रमाणीकरण

10.9.1 आपदा झेल्ली सकने आहले निर्माण गी यकीनी बनाने आस्तै पेशेवर लोकें दे कौशल दी परख करना लाजमी ऐ। मानकें सरबंधी भारती संस्था- जीआईएस गी पेशेवर निकाय दी मदद कन्नै यकसां नियम ते मापदंड विकसित करने आस्तै गलाया जाग। राज्य सरकारां एह यकीनी बनाने ताई स्कीम तयार करडन जे छड़े उचित शिक्षा हासल पेशेवर लोक गे उंदे क्षेत्र अंदर कम्म करन। राज्य सरकारां पंजीकरण आस्तै अपने मानदंड बी लागू करडन तां जे ओह खतरे दे स्हाबै लोइचदे मानक ते म्यार कायम रक्खी सकन।

नज़रिया

11.1.1. ज्ञान-प्रबंधन, तत्थें ते सूचनाएं दे अधार पर निर्णय करने दे समर्थ गी मजबूत करने आस्तै तकनीकें पर अधारत संस्थागत ते पर्यावरण सरबंधी कार्यप्रणालियें गी त्यार करग। आपदा प्रबंधन दे क्षेत्रे च तजर्बे ते ज्ञान गी सांझा करने आस्तै ज्ञान-संस्थानें दा नेटवर्क त्यार करने दी लोड ऐ। नोडल संस्थानें आसेआ जित्थे जानकारी पैदा करने दा कम्म कीता जाग उ'त्थे एनआईडीएम ते इस चाल्ली दे होर दूए संस्थान लोडमंद गुपें, खास करियै दूए सिखलाई संस्थानें गी ज्ञान दे विश्लेशन, आंकड़ें दे प्रबंधन ते जानकारी इक-दूए कन्नै सांझी करने दे कम्मै च इक म्हत्तव आहली भूमिका अदा करडन।

साइंस ते टेकनीकल विज्ञान दी मेलमी बरतून

11.2.1. साइंस टेक्नोलाजी ते पृथ्वी विज्ञान दे मंत्रालय ते भारत सरकार दे दूए सरबंधत मैहकमे राश्ट्री आपदा प्रबंधन प्राधिकरण एनडीएमए कन्नै सलाह-सूत्र करियै शोध सरबंधी टकोहदी जरुरतें ते शोहबें दा पता लाडन ते म्हारत ते जानकारी दे अधार पर बक्ख-बक्ख इलाकें आस्तै संस्थानें गी नामज़द करडन।

ज्ञान-संस्थान**सूचना ते संचार तकनीकें राहें ज्ञान दा प्रसार (आईसीटी)**

11.3.1. एनआईडीएम ते होर दूए संस्थान आपू-चें साथ-सैहजोग करियै राश्ट्री, इलाकाई ते अंतर्राश्ट्री स्तर दे शैक्षणिक ते सिखलाई संस्थानें गी इक मंच पर आहणडन। एह संस्थान आपदा प्रबंधन च ज्ञान दा भंडार बनडन ते जानकारी दे अधार पर बाद्धा करने दे जतन करडन।

स्वदेशी तकनीकी ज्ञान (आईटीके)

11.4.1. भारत दे बक्ख-बक्ख हिस्से च आपदा दा मकाबला करने च बरती गेदी ते परखी गेदी प्रक्रियाएं दे रूपै च प्राचीन समें थमां इक समृद्ध विरासत चलदी आई ऐ। इस बेशकीमती विरासत गी सम्हालियै रक्खने

च रली-मिलियै जतन कीते जाडन, मजूदा प्रणालियें राहें चीजें-बस्ते गी प्रमाणिक बनाया जाग ते आपदा प्रबंधन दे कम्में च मदद करने आस्तै उचित थाहरे ते प्रभावत समुदायें तोड़ी सूचना-जानकारी उपलब्ध कराई जाग।

भारत दा आपदा संसाधन सरिस्ता (आईडीआरएन)

11.5.1. भारत आपदा संसाधन नेटवर्क (आईडीआरएन) दे मजूदा दायरे गी होर बधाइयै ओहदे च बक्ख-बक्ख एजेंसियें दे संसाधनें, हदें ते शोहबें गी राश्ट्री स्तर पर शामिल कीता जाना लोडचदा। मतल्लका सूचना-जानकारी गी सखल्ले हासल कराने, बरतून ते आन-लाइन सरिस्ते राहें अपडेट करने आस्तै सार्वजनिक कीता जाग।

भारत दा आपदा ज्ञान सरिस्ता (आईडीकेएन)

11.6.1. आपदा प्रबंधन बारे जानकारी सांझी करने दी जरुरत दे मद्देनजर ते म्हारत दे क्षेत्रे कन्नै गल्लबात सौखी बनाने आस्तै भारत आपदा ज्ञान नेटवर्क पोर्टल त्यार कीता गेआ ऐ। एह पोर्टल आपदा प्रबंधन, आपदा प्रबंधन सरबंधी जानकारी किट्टी करने, ओहदा विश्लेशन करने ते आदान-प्रदान करने आस्तै बरतेआ जाग। ज्ञान ते टेकनीकल म्हारत किट्टे ते व्यक्तिगत तौर पर सांझी करने आस्तै एह पोर्टल सभनें सरकारी मैहकमें, वैधानिक एजेंसियें, अनुसंधान संगठनें ते मनुक्खतावादी संगठनें गी आपू-चें जोडग।

अब्बल पिरतें ते शोध-कम्में दा दस्तावेजीकरण

11.7.1. कुसै बी आपदा दे तुरत मगरा संस्थागत उपाऽ दे तौरा पर माहिरें दी मदाद कन्नै क्षेत्री-अध्ययन कीता जाग। एह अध्ययन रोकथाम ते निवारण दे मजूदा उपाएं च खामियें दा पता लाने पर ध्यान देग ते त्यारी ते प्रतिक्रिया दी स्थिति दा मूल्यांकन करग। इस्सै चाल्ली पिछली आपदाएं थमां हासल सबक ते तजर्बे कठेरियै इक दस्तावेज त्यार कीता जाग। आपदा प्रबंधन सरबंधी कम्म-कारवाइयें च होर सुधार करने ते सिखलाई सरबंधी जरुरतें आस्तै परतियै ब्हाल्ली ते पुनर्निर्माण दी प्रक्रिया दा विश्लेशन कीता जाग। माहिरें

दी सहायता कन्नै एनआईडीएम आसेआ मामलें दे
अध्ययन आस्तै इक निर्देश पोथी विकसित कीती जाग
ते पेशेवर तरीके कन्नै बेहतर कम्मै-कारवाइयें दा

दस्तावेज बनाया जाग। एह जानकारी मुख्यै दे सभनें
सरबंधत धड़ें गी दित्ती जाग ते अंतर्राश्ट्री संगठनें कन्नै
बी सांझी कीती जाग।

नजरिया

12.1.1. अजे तगर राहत पर जोर देने दे रवेइये ने शोध ते विकास गी सीमत दायरे च बंद करियै रक्खे दा ऐ। इ'ने क्षेत्रे च भविक्ख दे जतने दी मुंढली चिंता भारत दे बक्ख-बक्ख हिस्से च बक्ख-बक्ख खतरें बारे व्यापक शोध दिये बधै करदिये जरुरते दी निशानदेही करने ते मंग दे स्हाबै शोध आहले कम्मे गी तेज करने दी होग। इस सरबंधे च इलाकाई ते अंतर्राष्ट्री साथ-सैहजोग गी बढ़ावा दित्ता जाना लोइचदा।

संस्थागत बवस्थां

12.2.1. आपदा प्रबंधन दे समूलचे निर्माण-ढांचे च शोध ते विकास आहले अगेतरे जतने दी इक निग्घर बुनयाद लोइचदी ऐ जेहदे कन्ने उपयोग मुआफक ढंगे राहें तगडे ते भलेआं अज्जै-कल्ले दे ढंगे आहले विज्ञानक ते टेक्नोलाजी आहले विकल्प होन। आपदा प्रबंधन दे क्षेत्र च कम्म करै करदे बक्ख-बक्ख समूहे ते संस्थाने च आपू-चे दी तगडेआई ते तालमेल बधाने आहली इक सरगर्म रणनीति गी मानता दित्ती जाग। इस चाल्ली दे जतने गी प्रोतसाहन देइयै विचारें, सूचना ते म्हारत गी कठेरिये ते सांझ राहें बढ़ावा दित्ता जाग। प्रतिभा आहले गुपे गी संगठत करने दी प्रक्रिया राहें बक्ख-बक्ख क्षेत्रे दिये चिंताएं दा पता लाने च सखाल कीती जाग ते राश्ट्री ते राज्य स्तर पर इक स्थाई प्रणाली आसेआ उंदा निवारण कीता जाग। केंद्री मंत्रालये दे कृषि, परमाणु, उर्जा, धरत-विज्ञान, पर्यावरण ते जंगलात,

स्वास्थ्य, उद्योग, साईस टेक्नोलाजी ते अंतरिक्ष दे मैहकमे ते विभागें, आईआईटी, एनआईटी ते यूनिवर्सिटिये जनेह शिक्षा इदारें कन्ने नेइमे विचार-विमर्श दा सिलसिला जारी रक्खेआ जाग।

जरुरते दी निशानदेही ते शोध गी बढ़ावा

12.3.1. आपदा जोखम घट्ट करने ताई शोध दिये बड्डिये जरुरते दा पता लाने आस्तै राश्ट्री आपदा प्रबंधन प्राधिकरण आसेआ विज्ञानक ते तकनीकी इदारें थमां माहिरें दे इक केंद्री गुप दा पैहले थमां गै गठन कीता गेदा ऐ। ओह जानकारी दे उंदे अधार ते म्हारत दे स्हाबै शोध दे कम्मे च भ्यालें, एजेसिये ते गुपे दी बी निशानदेही करडन। टकोहदा करिये भारत गी मद्देनजर रखदे होई जलवायु परिवर्तन ते बधदी जा करदी कुल संसारी तपश पर बल दित्ता जाग।

12.3.2 कुदरती आपदाएं दे इलावा टेक्नोलाजी सरबंधी ते मनुक्खे करी पैदा होने आहली आपदाएं समेत जोइमे विशे पर शोध दे कम्मे गी बढ़ावा दित्ता जाग। इ'ने आपदाएं दे लौहकी ते लम्मी अवधि आहले नतीजे दा जायजा लैने आस्तै लौहके-लौहके जोन तयार करने ते स्थितिये दे बनने जनेह क्षेत्रे च अनुकरण मॉडल अध्ययने पर अधारत शोध ते विकास कम्मे गी बी प्रोतसाहन दित्ता जाग।

13.1.1 इस नीति बारे स्पष्ट तौर पर दस्सना नमें सफर च छड़ी पैहली गैं ऐ। एह इक ऐसा दस्तावेज ऐ जेहड़ा इक व्यापक ढांचा विकसत करने दी मेद रखदा ऐ ते जेहदे च हर स्तर पर बक्ख-बक्ख संस्थानें ते व्यक्तियें आसेआ टकोह्दी कारवाई कीते जाने दी लोड़ ऐ। लक्ष्य दी ब्याख्या करी दित्ती गेदी ऐ ते मेद मूजब इक दिशा दस्सी दित्ती गेदी ऐ। इक मंच त्यार करी दित्ता गेआ ऐ ते हून रूप-रेखा दी अमलावरी दी लोड़ ऐ।

13.2.1 इस दस्तावेज दे मूल विशे च ऐसे वातावरण गी साकार करने दी कोशश कीती गई ऐ जिसी राजनीतिक बवस्था नैं संसद च इक कनून पास करियें लागू कीता ऐ ते जेहड़ा आपदाएं कन्नै निबड़ने च नमें रैंस दी शुरुआत करदा ऐ। इ'नें आपदाएं अतीत च जान-माल दा बड़ा मता नुकसान कीता ऐ ते समुदाएं दे माली आधार गी जोफ पजाया ऐ। एह इस तत्थ गी बी उजागर करदा ऐ जे आपदाएं कन्नै नां छड़ा आर्थिक ते तरक्की-बाढ़े आहले विकास गी जोफ पुजदा ऐ, सगुआं

एहदे कन्नै राष्ट्री सुरक्षा सरबंधी वातावरण पर बी गंभीर असर पौंदा ऐ।

13.1.3 एहदा मूल विशे, एह विश्वास ऐ जे आपदा बारे जानकार ते सौहगा समुदाय जेहड़ा आपदा प्रबंधन दे नमें ढांचे करी खरी चाल्ली बा-अख्त्यार होइयें बक्ख-बक्ख सैक्टरें कन्नै मेल बनाइयें कम्म करग ते राष्ट्री ट्रिस्टीकोण गी साकार करग।

13.1.4 एह राष्ट्री नेतृत्व दे इस पक्के विश्वास गी बी प्रकट करदा ऐ जे हर बारे आपदा परेंतत फजूल खर्चा करने दे बजाय रोकथाम, त्यारी ते निवारण आस्तै लोड़चदी माली राशि मंजूर कीती जानी लोड़चदी ऐ।

13.1.5. इस नीति दा मकसद तां गैं पूरा होग जेकर उस कम्मैं गी अगड़े बधाने दे जिम्मेदार लोक एह मसूस करन जे उ'नेंगी एहदे शा लोड़चदी शक्ति ते दिशा हासल होई गेदी ऐ।

संखेप रूप (एब्रीविएशनां)

एआरएमवीसः	दुर्घटना राहत चिकित्सा वैन-गड्डियां
बीआईएसः	भारती मानकें सरबंधी ब्यूरो
सीबीओसः	समुदाय अधारत संगठन
सीबीआरएनः	रसैनी, जैविक, रेडियाई ते परमाणु
सीसीएमएनसीः	कुदरती करोपिये दे प्रबधन बारै मंत्रीमंडलीय कमेटी
सीसीएसः	सुरक्षा बारै मंत्रीमंडलीय कमेटी
सीएसआरः	कंपनिये-कारपोरेशने दी समाजी जिम्मेदारी
सीआरएफः	करोपी राहत फंड
डीडीएमएः	जिला आपदा प्रबंधन प्राधिकरण
डीएमः	आपदा प्रबंधन
जीआईएस-	भूगोलक सूचना प्रणाली
जीओआईः	भारत सरकार
जीपीएसः	थाहर दस्सने आहली कुलसंसारी प्रणाली
एचएलसीः	उच्च स्तरी कमेटी
एचपीसीः	उच्च अख्त्यारै आहली कमेटी
आईएवाईः	इंदिरा आवास योजना
आईसीएसः	घटना कमान प्रणाली
आईसीटीः	सूचना ते संचार टेकनोलाजी
आईडीआरएनः	भारत दा आपदा वसीला सरिस्ता
आईडीकेएनः	भारत दा आपदा ज्ञान सरिस्ता
आईआईटीः	प्राद्योगिकी सरबंधी भारती संस्थान
आईएमसीः	अंतर-मंत्रालय कमेटी
आईएमजी-	अंतर-मंत्रालय समूह
आईटी-	सूचना टेकनोलाजी
आईटीआईसः	औद्योगिक सिखलाई संस्थान
आईटीकेः	स्वदेशी तकनीकी ज्ञान
एमएचएः	गृह मंत्रालय
एनसीसीः	राश्ट्री केडेट कोर

एनसीसीएफः	करेपी दी चानचक्क स्थिति कन्नै निबडने आह्ला राश्ट्री कोश
एनसीएमसीः	राश्ट्री संकट प्रबंधन कमेटी
एनडीईएमः	आपात स्थिति दे प्रबंधन गितै राश्ट्री आंकड़ा अधार
एनडीएमएः	राश्ट्री आपदा प्रबंधन प्राधिकरण
एनडीएमएफः	राश्ट्री आपदा निवारण फंड
एनडीआरएफः	राश्ट्री आपदा प्रतिक्रिया बल
एनईसीः	राश्ट्री कार्यकारी कमेटी
एनजीओसः	गैर-सरकारी संगठन
एनआईडीएमः	आप्रदा प्रबंधन सरबंधी राश्ट्री संस्थान
एनआईटीसः	टेकनोलाजी सरबंधी राश्ट्री संस्थान
एनएसडीआईः	अंतरिक्ष डाटा सरबंधी राश्ट्री मूल ढांचा
एनएसएसः	राश्ट्री सेवा योजना
एनवाईकेएसः	नेहरू युवा केंद्र संगठन
पीपीपीः	सार्वजनिक- निजी सांझ-भ्याली
पीआरआईसः	पंचैती राज इदारे
आर एंड डीः	शोध ते विकास
एसएएआरसीः	इलाकेवार साथ-सैहजोग लेई दक्खन एशियाई एसोसिएशन
एसडीएमएः	राज्य आपदा प्रबंधन प्राधिकरण
एसडीआरएफः	राज्या आपदा प्रतिक्रिया बल
एसईसीः	राज्य कार्यकारी कमेटी
एसओपीसः	कम्म-काज सरबंधी मानक नियम-कायदे
यूएलबीसः	शैहरी मकामी संस्थां
यूएनः	संयुक्त राश्ट्र
यूटीः	केंद्री राज प्रबंध आह्ले इलाके
डब्ल्यूएमसीः	मौसम विज्ञान सरबंधी विश्व संगठन